

長陽縣志卷之一 上

地理志 一 星野 疆域 沿革 山水 關隘

星野

十二星光遍照寰宇彈丸一區衆星何主分列
荆梁附庸周楚因而仍之分謗矇瞽

鶉尾爲楚之分星而荆州之星土也 鄭語 鶉尾

楚也 周禮註 山南道蓋古荆梁二州之域漢南

郡武陵巴郡漢中南陽及江夏宏農廣漢武都

郡地江陵峽歸夔澧朗復郢襄房爲鶉尾 唐書

長陽縣志 卷之一 星野 一

北斗之分野玉衡者謂斗九星也第四星主荆

漢書註 大別以東至雷澤九江荆州屬衡星 春

秋緯 衡在軫十度半 唐書

吳楚之疆候在熒惑占於烏衡 史記天官書 熒

惑主荆州 後漢書註 星紀鶉尾以負南海其神

位於衡山熒惑位焉 唐書

二十八宿之分野翼軫荆州 史記天官書 軫星

散爲荆州 春秋元命苞

自張十八度至軫十一度曰鶉尾之次申楚分

野 皇甫謐帝王世紀

翼軫荆楚也南郡入翼十度武陵入軫十度

書

張十六度至軫九度鶉尾之次也湖廣之武昌
府興國州荊州府歸彝陵荆門三州黃州府蘄
州襄陽德安二府安陸沔陽二州皆翼軫分

明

史天文志

長陽星分軫度之次

按星野之次翼軫兼乎吳楚不止一荊州也

長陽縣志

卷之一 星野

二

長陽於荊州如太倉稊米臨之者爲翼爲軫
誰爲分別杪忽舊志紛紛殊爲蛇足

地理志二

疆域

畫地域民四至八到險設封圻區分堂奧以判鴻溝以通鳥道爾界此疆僕夫敢告

縣境東至分水嶺三十里與宜都交界起從分水嶺沿邊至官莊過清江南岸上李家臺馬鬃嶺下九母谿鐵門坎稻坡紅土谿下三接灘磨市過清江北岸上石廠下龍頭灘由龍頭灘過清江南岸上下雞口八字壩以上與宜都交界處轉境之

長陽縣志

卷之一 疆域

一

東南 一由縣東白石橋過江南馬家谿越宜都之朱金灘上觀灣尹家坵下冷水谿蝦蟆堰十字谿白菓園樟木嘴碑坵黑石屋塲汪家壩梅山郭家河止此處中為梅山四圍俱屬宜都界

東南至下谿口四十里從下谿口八字壩脊下中谿河越谿南猴子壩橡子嶺峯山千兒坡柳埡蔡家坪白峯埡交長界清水堰柳木坑瑪瑙坡

東抵宜都 西抵長樂龍坑九里坪羊义坪水田子常家冲

長冲團凸嶺黃草坪以上與長轉境之正南

南至黃草坪一百五十五里從黃草坪沿邊至

滑膏嶺界嶺簸箕荒八龍黃柏壩蹇家園橫茅

湖茶庄以上與長樂交界處丁峯埡馬鹿池交鶴界轉境之

西南

西南至馬鹿池二百六十五里從馬鹿池沿邊

至三義谿李田窑抵巴東建始鶴峯界獅子壩貓兒荒董

家山蠻家灣桅桿坪以上與巴東交界處轉境之正西

西至桅桿坪二百三十里從桅桿坪過河至鹽

井寺龍王冲柳家山蕭兒河東流谿葉谿河救

長陽縣志

卷之一 疆域

二

苦坪八字嶺以上與巴東交界處轉境之西北

西北至八字嶺二百八十五里從八字嶺沿邊

至耍莊香鑪山抵歸州石坪西抵巴東黃臘坪王海河扇子

壩八方碑以上與巴東交界處雲臺荒響板谿朱谿荒三臺

寺鄭家河野豬山馬料坡以上與歸州交界火麻谿白沙

驛天里鋪紅岩以上與湖東交界轉境之正北

北至紅岩一百二十里從紅岩沿邊至銅寶山

石頭埡狗兒洞青峯坡望州山尖峯嶺驟馬谿

琵琶谿以上與湖東交界處轉境之東北

東北至琵琶谿二十五里從琵琶谿沿邊至青
 草灣火燒冲彈子埡觀音寺西流谿孫家壩接
 分水嶺與宜都交界止

按朱志所列四至八到頗為明晰但長陽地
 理與鄰壤交錯者不下二十餘方宜以清江
 南北分敘朱志未免含混謹詳為分別以清
 江南岸北岸上游下游細註其山岡平原及
 鄰封交錯方輿如左其有不能盡詳者互見
 後道路條及嘉慶四年清查四境保甲冊

長陽縣志

卷之一 疆域



附道里

一縣治西沿清江南岸至西寺坪十里 又至鹽

市口二十里 又至平樂河五里 又至廟沱五里

又至都鎮二十里 又至碓窠谿六十里 秦佳林之

此入黃 又由黃柏山黃金嶂鳳凰頭至界嶺

黃柏山由威勇侯額攻 交長樂界

一由碓窠谿上天池口二十五里 又至九洲河

三十里 林之華 交長樂界天池口下五里 吳家口賊冲碓窠

黃谿出山之入

長陽縣志

卷之一 疆域

五

一由天池口至雙古墓三十里 又至長毛司紅

魚坪八十里 抵長樂界

一由雙古墓過龍坪至枝柘坪六十里 又至沙

河六十里 交長樂之嶺

一縣治西沿清江北岸至七里灣七里 又至下

魚口八里 又至鴨子口五十里 又至馬連五十

里 又至巴山十里 又至資坵十五里 又至桃

山十五里 又至偏山十里 又至石板頭五里

又至毛坪二十五里 又至魚峽口五里 又至

大花坪 五里 又至招徠河 十里 又至鹽井寺

十五里 又至九灣沱 五里 抵巴東東鄉門界

一由招徠河沿清江南岸上蘿蔔頭 五里 又下

枝柘坪 十里 又西李田窑 三十里建始倒巴東長

雞鶴峯金

一由鹽井寺過河上桅桿坪至趙家灣 十里 抵

巴東後門界

一由招徠過小谿上樵邨坡 邨龍旺冲在樵至柳

家山下橫坎又至上橫坎 二十里 交巴東界

長陽縣志

卷之一 疆域

六

一由招徠上石龍均 十五里 又至羅山 十五里

界 又橫過舊堡坪 三十里 交巴東界

一由資坵至田家坪七巖口 二十四里 又至小

峯堖 二十里燒小峯堖丙辰賊入資坵 又至秀峯橋

二十里委黃堂生員熊魯望於此守備張 又至榔

坪 三十里華合營處 又至舊堡坪 十里交 又由

秀峯橋西至沙地 二十里 又至羅山 二十里

交巴東界又由資坵後至山竹坪 川督福甯

南來威勇侯額此界 西由麂子河至賀家坪

十里 又至萬壽橋堡子里 二十里 又至青巖

溝里二十 又由沙坪查角石林於此華秦佳邱耀潰

文訓俱知戰沒黃應至榔坪里四十 又由榔坪西至香

鑪山西五十里抵巴北抵歸州石坪界

一由鴨子口橫過上長冲過大堡子至鄭家河

九十里 抵歸州白巖界俗傳廩君飛身於此

一由下魚口西北至界嶺口 百四十里 抵歸州

茶莊東湖高山

一縣治西至土地嶺 十里 北至偏巖里十五 又至

長陽縣志 卷之一 疆域 七

咬草巖里十五 又至望州山 五里 交東湖界

一土地嶺至彭家口 二十里 又西至青巖里十五

又西由白菜坪至高家堰里十五 又西由墨坪

至木坵谿點心坡里三十 又由官亭子亮風埡

葉家坪至螺絲幹里十五 又由青岡栗坪至青

林口里十五 又由麂子河至賀家坪里十 又由萬

壽橋至堡子里二十 又由跌馬坡至青巖溝

里二十 又由沙坪冷水橋查角石至榔坪里四十

又由花橋關口埡里五 西南至救苦坪里五 交巴

東界 又由關口埡西北至八字嶺 十里 抵
巴東界

一縣治西至平樂河 五十里 又西南至石嶺 三十里

又至張家灣 三十里 又至龍潭坪 十五里 又

至黃草坪 三十里 交長樂界

一縣治西至木坵谿 九十里 又北至紅巖 三十里

交東湖界

一縣治北至紅巖 一百二十里 又至天里鋪 五十里 又至白

沙驛 十五里 又至馬料坡 三十里 交歸州界

長陽縣志

卷之一 疆域

八

一縣治東沿清江北岸至白石橋 十里 又東至

分水嶺 二十里 交宜都界

一縣治東沿清江南岸至馬家谿 十里 又至朱

金灘 五里 交宜都界

一縣治東南至舊市口 二十五里 又東至磨市 十里

又東至下谿口 五里 交宜都界

一縣治東南至楊柳池塘 二十五里 又南至峯山 五十

里 又南至柳埡 二十里 又東至渾水堰 二十里 又

東南至瑪瑙坡 二十里 西交長樂東交宜都界

柳埡又西至大堰 五里 又南至水田子 二十里

交長樂界

縣治東至白石橋 十里 又東北至琵琶谿 五十

里 又至周家壩 五里 北交東湖東交宜都界

東西袤三百四十五里 南北廣二百二十里

北至郡城一百里 東至省城一千一百里

東北至京師三千一百里

以上皆據踏勘以冊詳載補前志所未備其惟


錯叢雜不能盡以圖告者亦與補綴申明惟


長陽縣志

卷之一 疆域

九

黃柏山圖





黃柏山圖說

山自界嶺下獨嶺聳起爲鳳凰頭嘉慶丙辰
 林之華掘爲深濠威勇侯額由界嶺進攻命
 囊土填濠濠平督隊進攻賊冲燕子岩走施
 南芭葉山 鳳凰頭下不一里爲黃金嶂向
 東爲四方臺下復起一嶺爲鵝公頸逆匪田
 居接出牽牛嶺抵資坵對河上倚黃柏山確
山谿在兩鵝公頸下潘家谿出曲谿口上繞牽
 牛嶺黃金嶂西北閃出黃柏山壁立如削有



路長三十里直下河岸上接天池口下接確

窠谿頭黃柏山南嶂抵長至四方嶺由界四嶺上鳳下

窠谿口二十里出山極西有紫膀頭極東有確

約四六十里自疊紫膀頭山下九洲緣河高約十對里桃交山


出長吳樂家界口下九洲河岸水高出天二池里對東北角有斗路

窠谿下口五石里路向狹王隘廟單騎難容斜下山櫻正西坡岩出壩確

山橫壩東抵為河櫻岸桃坡首約十周三圍計二又百里西北下

谿下九里山有二溝冲八九洲處地一寒不里宜東稻下麥確窠

羊包芋穀十者之十三之七



株栗山圖說

山自五峯觀出小截刀嶺聳出南坡尖山勢
 閃開有凸有壑壑中有水田由凸坡遞下一
 二磴有田自南坡尖直下二三里起小凸緣
 凸下有壑可收稻穀千餘石其陸地可收包
 穀三千石零路有三東爲王子岩西爲大岩
 口北名北岩口南則五峯嶺重巘疊嶂不能
 飛越自南坡尖至北岩口八里自王子岩橫
 過大岩口八里大岩口下石板坡十里王子

岩下對葉家壩腳五里北岩口下叢谿坪六里北岩對河有引龍山在大岩口仰望剪刀山俯瞰八丈岩在王子岩口仰望梅山東北俯見麻池西南并見界嶺來山 株栗山之
外南有五峯嶺刀截嶺東有蒲嶺西有剪刀山等處爲之屏障又北則有桃子埡滾龍坡東有二渣口梅關等處爲之門戶山下西有成五河響石河東有芮谿叢谿兩水環繞山脚至叢谿坪合流出腰站谿由桃子埡下出

西灣入清江江之上有資坵峽下有巴山峽節節險隘相爲唇齒誠可戰可守地也

地理志三

沿革表

佷山之名胚胎秦漢魏晉六朝置郡分縣隋改
長陽久奉成憲曰革曰沿遠搜史傳

三代

禹貢荆及衡陽惟荊州商稱漢南曰荊州周稱
南土縣境所在山長谷荒末由指目

秦

始皇二十六年郡縣天下以楚地為黔中即武

長陽縣志

卷之一 沿革

一

陵南郡置縣隸之

漢

武陵郡佷山縣孟康曰音恆出藥草
今世以銀為音也

後漢

佷山縣屬南郡

三國

蜀立宜都郡領佷山縣吳因之 習鑿齒曰魏
武平荊州分南郡枝江以西為臨江郡建安二
十五年昭烈帝改為宜都郡領縣四佷山夷道

宜昌彝陵 宋書

晉

平吳改興山尋復為佷山屬宜都郡晉書地理

志宜都郡領佷山夷道夷陵 舊志謂先改清

流存考

宋

佷山男相晉太康元年改為興山後復舊按男

相猶侯國也 到彥之封佷山縣子

隋

長陽縣志

卷之一 沿革

二

長陽縣開皇八年置並立睦州十七年州廢有

宜陽山屬南郡 按水經注夷水又東逕佷山

縣故城南縣即山名也南一里即清江東注矣

南對長楊谿水佷山更長楊自緣此谿命名字

本從木考隋書文獻通考容齋隨筆並同改木

為阜不知何時或云唐忌隋姓改之 又按隋

書清江郡 後周置 州大 統鹽水 後周置 田郡開

皇初郡廢 大業 巴山 梁置 州宜郡 皇初置 昌縣 後周

初置 清江郡 開夷建始五縣考唐書

十八年改廢 清州為 人焉

地理志漏載郡名歐公不嫻地理此亦一證

唐

長陽縣中下本隸南郡武德四年以縣置睦州
並置巴山鹽水二縣八年州廢省鹽水以長陽
巴山分隸東松州州廢來屬天寶八載省巴山
入長陽屬峽州彝陵郡

五代

南平高從誨據有荆歸峽三州縣隸峽州

宋

長陽縣志

卷之一 沿革

三

峽州長陽縣屬荆湖北路

元

升峽州爲路領長陽縣

明

洪武甲辰年改峽州府九年改彝陵州領長陽
縣

國朝

仍明制隸彝陵州後隸荊州府雍正六年改隸
歸州十三年改土歸流升彝陵州爲宜昌府以

隸之乾隆二年分縣屬之漁洋關等處隸長樂縣

縣治沿革附

古佷山城在今州衙坪卽唐置江州地水經注所謂南對長楊谿方輿紀要謂在長陽縣西六十里同昌市是也水經注彝水又東逕佷山縣故城南知後魏時佷山舊治已更矣隋開皇八年改置長楊縣並置睦州唐武德二年置江州割長陽地分置巴山鹽水長陽縣如故四年廢

長陽縣志

卷之一 沿革

四

江州以縣置睦州八年廢睦州復長陽稱以縣置睦州廢睦州復長陽則睦州治卽長陽治考南郡長陽注謂睦州故城在縣東寰宇記謂故睦州在長陽縣東三百步或係城郭公署改置遷徙朱志因三百步之云指縣東永河坪不知縣城至永河坪非三百步所能限也輿地碑目載李刺史墓大業五年葬在廢佷山縣南隋既有廢佷山又在縣西六十五里是隋之長楊卽在今治蓋歷唐宋元明不改也

									秦	隸黔中郡		長陽縣沿革表
									漢	隸山縣 武陵郡		
									後漢	隸山縣 南郡		
									三國	隸山縣 宜都郡	吳因之	
									晉	平吳改曰 興山尋復	隸山屬 郡	
									宋	改方山尋 復山		
									齊		隸山	
									梁	徙宜昌縣 於山後	廢蕭銑復 置江州	
									明		初隸明 府後改 為陵州 縣隸之	
									西魏		隸山縣 拓州	
									北周		置資田郡 置亭州復 置江州	
									隋		長陽縣開 皇八年改 置並置陸 州十七年 廢屬南 郡後即亭 州廢屬南 郡	
									唐		長陽縣武 德二年置 江州四年 又置陸州 廢清江郡 省鹽水縣 旋廢陸州 屬東松州	
									五代		屬南平峽 州	
									宋		長陽縣屬 峽州	
									元		長陽縣屬 峽州路	

長陽縣志

卷之一

沿革

五

長陽縣志	卷之一	沿革	六	府改隸宜昌	州年改屬歸	府後隸正荆六	因順治康熙	國朝	
									津州

地理志四

山水

大澤深山環圍百里毓秀鍾靈文明以止珠玉
既生龍蛇並起攻守之資登臨之美

方山縣西三十里舊志山四面俱方一名重山

方輿紀要 自西陵東北陸行一百二十里有方

山其嶺四方素壁如削宜都記知縣李拔有記

方知週遭李壁立方如山城墉高山不可攀惟東西一線

余可通蒞俗邑即小耳秦熟寨南因吏朝事愆縣促不方暇山作觀此

長陽縣志

卷之一 山水

一

予山有計事越於二年耕政由務津舉口民下氣漁和溪甲溪戍而初上夏

肥美稍鷄平犬衍桑麻岸隱居然桃以源枯遺意引顧水而樂田之田溪皆

竹將寺盡有至僧山來麓迎循青僻林徑翠竹馬景南致行佳六絕七延里仁至者白

予久之攝馬衣首徒折步而東坡未益及陡半憊與甚憩皆於石能乃從

堪行容至足過鬃嶺嶺即為寨東門石刀磴盤中曲有山鳥從道面僅

而起行扶之拽維乃艱能不上啻自數倍竹絕寺頂至此通高天不觀過近五日里

家所居新時葺嘗者遊蓋峨呼上計可入通都帝嘗座遊之華嶽因及思盤昔

遠山所形憑勝者雖尊各則不所視皆之卑所以諸者所高歷則大所見然自

甕矣夏崖則畔風有出洞冬名則曰風風入穴春袁秋山分松則稱靜其予口初大未如

里之佃戶十餘家人皆良種非包虛語自山給之而上出廣租表以約飯數
僧陶然自樂若不知人有由西寨門迤邐而下西
沉暮色蒼然急率從人由西寨門迤邐而下西
險要不可復識於適東僕既馬來迎乃得峯頭縹緲時已昏霧
閒不可復識於適東僕既馬來迎乃得峯頭縹緲時已昏霧
黑燭之日乃歸於

龍角山在清江北方輿紀要按今州衙坪古佷

山舊治隋唐置江州於此其下五里有龍角山
通志謂卽武落鍾離山

難畱城山縣西二百餘里一名武落鍾離山交
施南建始界巴郡南郡蠻其源出於武落鍾

長陽縣志

卷之一 山水

二

離後漢書南蠻傳夸水東徑難畱城南城卽山

也獨立峻絕東北面又有石室可容數百人每
亂民入室避賊無可攻理因名難畱城也水經

注自鹽水西北行五十餘里有一山獨立峻絕
名爲難畱城宜都記

佷山詳古蹟按今都鎮灣下二里有故場里

里後有山土人呼爲恒山疑卽此山也

石橋山縣東五里其山險隘峻嶒山麓左右俱
有石橋

將軍山在縣治清江之南石色赤黃狀如甲冑
上有李將軍廟遺趾故號軍嶺

紗帽山縣東南岸二里雙峯重疊如紗帽然

馬鞍山縣西南三十里山極高大寬廣約數十
里中峯突起自遠望之形如伏馬

望州山縣北五十里山勢高竦望見彝陵故名

舊志

山形竦峙東北白巖壁立登其頂平可三
畝許上有故城登城望見一州之境故名望州

山俗語訛今名武鍾山水經注宜都夷道縣西

長陽縣志

卷之一 山水

三

南九十里有望州山四面壁立登此見一州向

東有涌泉名丹水宜都記

愁門縣西六十里河水自高家堰下有愁門兩
山相對水流其中其形如門門以上水皆冷門
以下水皆熱古諺云方潭河下波濤喧白甲楊
魚浪裏翻白甲春水隨上下楊魚終不過愁門
乾隆中居民於溪北脩道以便往來今圯矣

宜陽山縣北 夷道縣西北有宜陽山荊州記開

皇八年置縣並立睦州有宜陽山隨書地理志

後魏置宜州因此

黃柏山縣西一百三十里昔年產黃柏故名

舊志

山高千餘仞四面俱方山頂寬平廣百數十里
南連四方臺臺亦高千仞下有徑險仄僅可容
足名薄刀嶺嶺後有山名黃金嶂高更逾於黃
柏山嶂後抵長樂楠木園西抵中坪北抵八斗
河山多坑土人呼爲天坑有一洞名龍洞居人
樵汲所資也嘉慶元年賊首林之華覃佳耀盤
踞此山官兵攻之六閱月賊眾糧絕遁入施南

長陽縣志

卷之一 山水

四

芭葉山

四方臺縣西百廿里與黃柏山相連嘉慶元年
賊匪叢聚黃柏以此山爲犄角憑險自固尋爲
官兵所破

株栗山縣西南一百一十里高千餘丈山頂形
圓如甌山足二溪夾流亂石參差礙難容足嘉
慶二年賊首覃佳耀同治三年賊首田士羣盤
踞此山尋爲官軍所破

剪刀山縣西八十五里在株栗山西高數百丈

雙峯插空形如剪刀兩峯中有一徑可通出入
老女山縣西一百五十里山勢險峻嘉慶元年
攻賊匪於此

夜遊山縣西九十里嘉慶年間賊匪屯扎爲官
軍所破

安王山縣西北六十里孤峯挺峙下有八寨岩
又下有古城相傳爲攻小秦王住扎處也

百里荒自點心坡至青岩溝南如碑均長冲北
如龍王冲白沙驛俱在百里荒內每高處自八

九月積雪至次年二三月始消明傅友德入蜀
時鑿山開路百餘里因名

五龍山縣西北三十里五峯挺峙形似蓮花明
初建觀其山暮鼓晨鐘響徹天半亦勝地也

龍池山縣西北四十五里高百餘丈長十餘里
相傳上有龍池今渴官田在其上

雲臺山縣南三十里馬鞍山之左兩山並峙峯
尖參差迭出山頂寬廣平正如臺因名

白燕山縣西三十里曾有白燕巢於岩穴間因

名燕子岩 舊志

小峯埡縣西一百一十里高千餘仞四圍俱懸壁中有小徑逼仄難行山頂之風四時不息故又名小風埡嘉慶元年鄉勇堵卡於此賊匪憚之一夫當關萬夫莫開信要隘也

羅隱山縣西三十五里相傳羅隱見山水秀美曾畱憩於此 舊志

鳳凰山 縣北六里縣治來脈 寶尖山 縣西北五十里 火山 縣西北一百七十里 三臺山 縣西九十里

長陽縣志 卷之一 山水 六

烏都山 縣西一百三十里 筭葉山 縣西北五十里

雲遶山 縣西六十里一霧 黃連山 縣西北七十里

青相山 縣西北七十里 雞頭山 縣西北七十五里

牛公山 縣西北八十里 梅五山 縣西北九十里

大面山 縣西北九十里 千佛山 縣東湖北界四十里交

童保山 縣西五十里 牛角山 縣東北界四十里

柘木山 縣西北三十五里 白雲山 縣東北三十五里

北荒山 縣東六里 香花山 縣南二十五里

峯山 縣南三十五里 野雞山 縣南四十三里

火架山

縣南五十里

香爐山

縣西北十五里

筆架山

縣南四十里

石筍山

縣西南五十里

巫靈山

縣西二十五里

雞公山

縣西北四里

綺黃山

縣西三十里
季黃公曾隱此
相傳漢時綺

嶺

分水嶺縣東三十里交宜都界分水嶺有二其

一撥入長樂

老鴉嶺縣西南七十里山勢起伏盤旋綿亘百

里其地寬坦可耕五方之民多雜處焉

長陽縣志

卷之一 山水

七

東峯嶺

縣東一里

抱子嶺

縣南三十五里

象鼻嶺

縣南四十里

馬鬃嶺

縣南五十里

沙子嶺

縣西南六十五里

蒲嶺

縣西九十里

石嶺

縣西南五十里

青岡嶺

縣西北一百里

峯

狀元峯縣西五十里石筍高標孤峯特立拔地

聳天有健筆凌雲俯視一切之概一名天柱山

文筆峯縣東二里九峯參差環拱縣治

按水經注夸道縣北有湖里淵淵上有橘柚

蔽野桑麻閒日西望佷山諸嶺重峯疊秀青
翠相臨時有丹霞白雲遊曳其上此數語實
得形似

岩

龍頭岩 象鼻岩 俱縣西十里兩岩對峙若

龍象

虎坐岩縣西十五里虎浪灘上蹲踞如活虎天
成雄駿不可端倪水經注所謂岸石似虎卽此
處 道光元年知縣朱庭棻立碑表識之

長陽縣志

卷之一 山水

八

咬草岩縣北三十五里蠶叢鳥道僅堪容足乾
隆四年知縣楊復晉開修

走馬岩縣南三十二里坑窩儼然馬蹄或云漢
昭烈帝曾走馬於此

仙人岩縣治南岸二八月天晴有形出現又名
石美人

白鶴岩縣西二十里對釣魚溪人謂白鶴戲魚
觀音岩縣東三里懸岩突起內有石龕明李爵
建觀音閣於岩厂爲邑奇觀

青岩 在縣西北五十里爲荊州至施南陸行必由之路徑途險峻征夫往來頗以爲苦乾隆中土人向士鴻釀金脩治知縣楊于果爲題詞助募遂成坦途 附脩路題詞長陽爲古佷山舊治羣峯盤錯竹箐深密土人每於山腹鑿小徑濶不盈尺以通樵蘇行旅其絕偪仄者倚壁側行趾二分垂在外都廬且望而愕眙康莊則全境未有也邑西北五十里曰青岩南通施州征夫較夥塗路故險峻兼

以谿流漲發日益侵齧失今不治後且不可復行夫農見而畢務雨見而平治道路此亦爲政之一端有司之專任也古者公旬不過三日泊後世變租庸調發夫至百餘人皆有會計守土者畏其煩難率以塵甑謝其責茲士民向生士鴻等請釀金脩治丐言以示同志曩讀褒城石門頌其作頌者爲吾家遠祖淮士民有志僕豈數典而忘諸所愧未能信民耳生等善爲之其不願資助者毋強也

昌貴岩 縣東南塔一舊址上 挂榜岩 縣北三里

白馬岩 縣東五里 雞公岩 縣東十里

菓酒岩 縣治南岸 弔鐘岩 縣南十里

雙柱岩 縣南三十里 赤岩 縣北三十里

萬人岩 縣西南二十里 麕子岩 縣北十里

園

白菓園 縣東南四十里 水竹園 縣西七十里

株木園 縣南三十里 子娘園 縣西一百九十里

蹇家園 縣西三百里昔 紅花園 縣西七十里

長陽縣志 卷之一 山水 九

荒

時連荒 縣西南一百六十里 貓兒荒 縣西南一百八十里

水荒 縣西南一百三十里 青皮荒 縣西南一百七十里

簸箕荒 縣西南一百九十里 火山後荒 縣西南二百

北荒 縣西北一百二十里 南荒 縣西北一百四十里

雲台荒 縣西北三百二十里 黃柏壩荒 縣西三百餘里

高荒 縣西一百二十里

洞

龍門洞 縣治清江南岸兩巖對峙瀑布飛注祈

雨有驗舊志明周伯殷有記明周伯殷在龍門陽洞

岸縣治南一里清江之陰洞有水北流入江兩

如裳震躡衣而五進坎數而百至平地至每坎所高瀑十布數丈墜下聲

龍瀕窟為宅怪其石第五坎泉為水潭下幽滴深凝莫為測俗鍾乳傳白為石蛇

翠瑩盤潔曲爽如氣畫襲之人象如魚陰無有鱗異四草足附崖而木生食鮮

上葉多兩猛虎之文嶺豹皆雄絕刺喬木矜蔽羊天人熊跡巨罕蛇至毒其

名蟒曰有飛鳥生四足有如怪狐鴟兩狸首蝙蝠角毳毛曰黃負紫扳騰翥

教之諭則簡函君宣載德訓六年夏五月偕予早入縣尹趙公道銓

而流上王至愈於沈崖符端入大潭雨有斯注氣仰視巖日寶光出炫拂崖連根

長陽縣志

卷之一 山水

十

深日巖乃絕止田有疇何既靈足異枯乃槁能勃興甘澍以蘇大旱災鳴隨呼

祀禱典而者應何蓋限神而龍求之其靈應也如天斯下者鮮山矣予川故在

告記後之來以按洞之上為炭溪溝東為官山西為

菓酒巖皆峭壁天削攀躋匪易又縣南入城

通衢行者俱以畏途指目咸豐八年故上舍

楊其成捐重資今鹽知事劉文源為審形勢

相陰陽鑿石通險積歲功成向之畏途俱為

周道邑人拔貢譚大勳有記

朝陽洞縣東十里

仙女洞清江南岸

聚雲洞縣西南三十里常有白雲環遶相傳三際和尚飛昇於此

金銀洞縣南二十五里相傳洞有金銀人常借用借而不還金銀遂絕

棋盤洞縣西九十里相傳有仙人對奕於此今棋局尙存

仙人洞一在縣西二十里一在縣西安甯鄉相傳有仙人出入人或見之衣紅者吉白者凶

通志

白鶴洞縣西南

獅子洞縣西北三十里怪石竦立如獅

龍泉洞縣南三十里鹿溪故老言洞有龍人或見之穴通數里居民因泉流不竭築石隄圍之引以灌田頗獲其利

石洞在磨市三接灘下清江南岸洞口闊數丈酷暑之辰涼如霜雪游者小憩便作衣裳想洞甚深疑有怪物盤踞不敢入余以爲卽無怪物積陰之氣日久生毒登高臨深學道者不爲也

坡

西沙坡縣西二里

滾鐘坡縣南三十里

千兒坡縣南四十五里

崇巒坡縣西南五十五里山勢陡峻為老鴉嶺

一帶要路

朝南坡縣西八十里

連天坡交巴東界

點心坡縣西北九十里

長陽縣志

卷之一 山水

十二

跌馬坡

烟燈坡

俱係縣西一百三十里後河發源處

坪

何家坪

宜雜糧

永何坪

宜稻麥

羅家坪

宜雜糧

孫家坪

宜麥菽

倒坐坪

宜雜糧

鄢家坪

宜麥黍

麥坪

宜稻梁

三友坪

宜稻麥

楊叉坪

宜稻梁

倒荒坪

宜雜糧

長坪

宜麥

青埠坪

宜豆麥

赤土坪

宜麥菽

寶山坪

宜稻麥

蒿坪

宜麥稷

馬家坪

宜雜糧

蔡家坪

宜雜糧

邊家坪

宜雜糧

椿樹坪

宜麥菽

譚家坪

產篁竹

鯉灘坪

宜稻麥

西寺坪 宜二稻 松楊坪 宜稻梁 胡志坪 宜稻梁

龍潭坪 宜稻梁 黃草坪 宜雜糧 九里坪 宜雜糧

馬連坪 宜稻菽 白沙坪 宜麥稷 栗子坪 宜雜糧

枝柘坪 宜雜糧 鴨兒坪 宜稻梁 水蓮坪 宜雜糧

石並坪 宜二稻 桅桿坪 宜麥黍 麥庄坪 宜麥黍

掌管坪 宜稻麥 上王坪 宜稻梁 灤水坪 宜稻麥

桃坪 宜雜糧 東山坪 宜稻麥 歌唱坪 宜二稻

前後坪 宜稻麥 金坪 宜稻梁 楊家坪 宜稻梁

黃家坪 宜稻梁 毛坪 宜稻梁 下坪 宜稻

長陽縣志 卷之一 山水 十三

水田坪 宜稻 長冲坪 宜麥 千魚坪 宜麥菽

枝蓮坪 宜雜糧 明設把夸關處

水

清 江縣東南十三里源出貴州思州界經四

川黔彭間流經建始縣入縣境又東北經宜都

縣流入大江本名夸水其水清澈因名為清江

方輿紀要

夷水又東逕佷山縣故城南縣即山名也南一

里即清江東注矣昔廩君乘土舟從夷水下至

鹽水鹽水卽夷水也

夷水出巴郡魚復縣江東注卽佷山清江也水色清照十丈分沙石蜀人見其澄清因名清江水也

俱水經注

夷水首出魚復江尾入宜都江行五百餘里是亦荊州之沱也古時自巴入蜀避三峽之險皆由此路史記張儀說楚王曰秦西有巴蜀大船積粟起於汶山浮江以下至楚三千餘里舫船載卒一日行三百餘里不至十日而拒捍關捍

長陽縣志

卷之一 山水

十四

關驚則從境以東盡城守矣黔中巫郡非王之

有黔中漢為武陵郡卽今常德府巫郡漢為巫縣卽今巫山巴東建始三縣及施州衛地也

此言舟師由夷水入楚也何以知之楚世家肅王四年蜀伐楚取茲方於是楚為捍關以拒之後漢書李熊說公孫述曰東守巴郡拒捍關之口徐廣曰巴郡魚復有捍水捍關後漢同章懷太子賢曰捍關故基今在峽州巴山縣寰宇記云廢巴山縣在長陽縣南七十里卽古捍關是也

唐志巴山縣隋分佷山縣置天寶八年載省入長陽水經注江水自江關

東逕弱關捍關江關在今奉節注云弱關在建

平秭歸界秭歸今歸州也蓋大江出三峽逕弱

關江沱出佷山逕捍關劃然兩道儀言浮江以

下拒捍關則不經巫峽明矣夷水受江處不知

何時日就陘塞後漢建武中公孫述遣將田戎

等乘枋箬下江關拔夷道夷陵光武命岑彭吳

漢伐之彭擊破戎等率舟師長驅入江關漢留

夷陵裝露橈船將三萬人沂江而上則皆取道

於三峽而不復由夷水矣蓋其時水已淺狹不

長陽縣志

卷之一 山水

十五

勝戰艦自後荆梁有事苟用舟師未有不由峽

江者然酈注云沙渠裁得通船則後魏時水道

猶存下逮唐初建始之北遂成斷港故章懷注

西南夷傳云今施州清江縣夷水一名鹽水源

出縣西都亭山清江廢縣界亦在長陽縣寰宇記云夷水源

出舊施州開蠻界流經建始巴東長陽至宜都

入江蓋不復知此水出西北奉節之大江而以

爲西南施州衛之山源矣其所謂都亭山者卽

在開蠻界也然自漢志已不言首受江未知何

故班氏疏畧頗多水經注原委詳明而又有張儀之言以爲證無可疑者禹導江自梁入荆必浮此水也

江水又東逕奉節縣南夸水故道出焉又東逕巫山縣南又東逕巴東縣北又東逕歸州南又東逕夸陵州南又東逕宜都縣北與夸水合夸水本首受奉節縣之大江今建始縣北建始府在

屬東南州漢巫縣地晉分置建始縣屬建平郡唐

入山縣南流其故道皆已陘塞唯從縣南受施州

長陽縣志

卷之一 山水

十六

衛開蠻界水東逕巴東長陽長陽在夸陵州西

山縣屬武陵郡隋更名長楊唐改楊爲陽其故城卽今治縣南七十里廢巴山縣卽古捍關

至宜都縣北又東入於江經所謂東別爲沱者禹所導一爲梁州之沱今郟江是也一爲荆水之沱古夸水是也以上俱禹貢錐指

按邑內沿河村莊厚浪沱廟沱及接壤之鄢家沱以沱稱名良有以也

南水大江源出蜀之茂州岷山故曰岷江大江逕夔州府入瞿唐峽過巫山歷歸州彝陵至宜

都縣清江一名彝水來注之彝水自紹慶發源繞施南衛城東流入荊州府界逕建始縣境流入長陽縣南至宜都縣入於大江今水經

按通志清江自四川西陽州經利川恩施施南府城或伏或見至新渡壩過施州塘入建始縣境經尹家村眠羊口又三十里入宜昌府屬巴東縣境爲九龍潭野三河迤邐以注於長陽鹽井寺水自南流注之自此五里至招徠河水自東北流注之又五里至四楊溪

水自南流注之又五十里至天池口水自南流注之又十里至楊木溪水自北流注之又五里至碓窩溪水自南流注之又五里至資坵向王溪水自北流注之入峽又五里至西灣出峽重溪水自南流注之又五里復入峽至巴山出峽卽巴山地又十里至馬連溪水自北流注之又五里至分水溪水自南流注之又八里至鴨子口故里溪水自北流注之又一里爲庄溪水自南流注之又五里至木溪

水自北流注之又三里至南汊溪溪卽古長楊

水自南流注之復入峽又七里至七坵溪水

自北流注之又五里至平樂溪水自南流注

之又五里至車溪水自南流注之始出峽又

十里至下魚溪水自北流注之又五里至津

洋口溪水卽丹水自西北流注之又二十五里

至白石溪水自西北流注之又北繞而東三

十里至荊州府屬之宜都縣境傅靳溪水自

北流注之又南繞而西十五里至長陽之磨

市溪水自南流注之又東五里至下溪口鹿

溪中溪水自南流注之又入宜都縣境三十

里至清江嘴東入於江 又按水經江水又

東逕宜昌縣北注云分夸道佷山所立也此

固係歸巴之峽江非邑內清江然所謂分佷

山地則當日長陽疆界已連及峽江今皆不

可考矣

丹 水 夸 水 又 東 逕 虎 灘 岸 石 有 虎 象 故 因 以

名 灘 也 夸 水 又 東 逕 釜 瀨 其 石 大 者 如 釜 小 者

如刁斗形色亂真雜石中耳夸水又東北有水
注之其源百里與丹水出西南望州山山形竦
峻峯秀甚高東北白岩壁立西南小演通行登
其頂平可有三畝許上有故城城中有水登城
望見一州之境故名望州山俗語譌今名武鍾
山山根東有涌泉成谿卽丹水所發也下注丹
水天陰欲雨輒有赤氣故名曰丹水矣丹水又
逕亭下有石穴甚深未嘗測其遠近穴中蝙蝠
大者悉一作鳥多倒懸玄中記曰蝙蝠百歲者

倒懸得而服之使人神仙穴口有泉冬溫夏冷
民至秋闌斷水口得魚大者長四五尺骨軟肉
美異於餘魚丹水又逕其下積而爲淵淵有神
龍每旱村人以芮草宜都山川記芮作蔞投淵上流魚則
多死龍怒當時大雨丹水又東北流兩岸石上
有虎跡甚多或深或淺皆悉成就自然咸非人
工丹水又北注於夸水水色清澈與大谿同經水

注

按丹水源流據水經注所云至今皆歷歷不

爽惟自山根流經偏岩入津洋口與夸水合
是在釜瀨上又望州山是在縣治西北原注
錯一南字耳至云夸水又東北有水注之其
源百里者蓋卽發源於百里荒內堡子里之
水其水由跌馬坡山腳東流三十里隱見無
常至賀家坪而流始暢經老屋冲紅眼泉分
香溪流溪高家堰右溪彭家口合偏岩之咬
草溪何家溪諸水至津洋口入夸水
後河水有三一卽丹水一卽發源百里之水一
十里至招徠河入於夸水

長陽縣志

卷之一 山水

二十

灘

秋浪灘

治東門外

鯽魚灘

治東門外

青魚灘

治東五里

釜瀨灘

治東八里

金鼓灘

治東十里有石似
金鼓觸之有聲

豬羣灘

治東十五里

龍吟灘

治東十六里

背瀾灘

治東二十里

漏罐灘

縣東四十六里

三接灘

縣東五十里
相接因名三

龍頭灘

縣東五十五里

鵝毛灘

縣城南河

鯉魚灘

縣西七里

虎浪灘

縣西十三里

西寺灘

縣西十五里

三井鹽灘

縣西二十里

春魚灘

縣西二十五里

廟沱灘

縣西三十里

鱧魚灘

縣西三十五里

小長流灘

縣西三十九里

丈二門

容在一小舟長今流下沙兩消石磨對石沒如水門化中險丈為餘平僅

膀子石灘

不在長流灘下山石橫江水漫其臂舟

大長流灘

縣西四十里

打夥等灘

與長流相接

州衙灘

江縣西處二十五里北有坪大即州衙開小皇州置

橫流灘

水縣西橫溢十五里石羊灘有縣石如羊十里岸

長陽縣志

卷之一 山水

二十一

木灘

縣西六十五里

刀兵灘

石縣西七十里怪

遷魚灘

縣西七十五里

猴瀾灘

縣西八十里

胸溪磧灘

縣西八十四里

靜安灘

縣西八十五里

橙子灘

縣西八十六里

小馬連灘

縣西九十里

馬連灘

險縣西九十里連江中開有口和尚石水漲時甚

狗牙灘

縣西九十五里

長灘

縣西九十八里

飛雨灘

灘縣西連一故百亦有里大水勢之洶湧雪浪如飛二

新灘

石縣西塞江一舟百人十鑿之嘉慶十一年故暴谿湧巨

虎嘯灘

二縣灘西相一接百亦有五大里小水之勢呼衝激吼聲似虎

桃花灘縣南一百三十里向王灘縣西最險絕二十

魚灣灘縣西一百二十里碓窩灘縣西一百三十里

巴沱灘縣西一百三十里青洞灘縣西一百三十里

長安灘縣西一百四十里芩鄉灘縣西一百四十里

太平灘縣西一百五十里沙嘴灘縣西一百五十里

連三灘縣西一百五十里五花灘縣西一百六十里

青灘縣西一百六十里乾溪灘縣西一百七十里

花灘縣西一百七十里波索灘縣西一百八十里

沿鄉灘縣西一百九十里四楊灘縣西一百九十里

長陽縣志 卷之一 山水 二十二

小花灘縣西一百九十里魚峽灘縣西二百里

鱧魚灘縣西二百十里天坑灘縣西二百十五里

龍廳灘縣西二百二十里牛皮灘縣西二百三十里

按私魚灘搭子灘大長安灘小長安灘龍翅

灘俱在天池口下備極險惡雍正年間商民

鄭姓釀金鑿之惟夏秋水滿可通小舟若春

冬則舟難停泊矣舊志今各灘有峽船運載

客貨一峽送一峽名短水其由大花坪直送

向王灘者名長水羣視為利藪蓋清江自巴

東縣桃符口至縣屬招徠河入境招徠以下

至資坵險灘有五波索灘龍翅灘今改碓窩

灘此灘已平復向王灘俱難通舟楫往者巴

東施南土貨自桃符口上船至招徠河起岸

由陸路至大花坪上船至波索灘起岸毛坪

上船至青灘起岸灘下上船至太平灘起岸

灘下上船至青洞灘起岸灘下上船至向王

灘起岸灘下上船從此徑載至宜都出大江

凡各灘岸俱土人世業各設有峽船接裝貨

物逐灘交卸以取利資名曰短水計波索灘

起向王灘止陸路一百二十餘里峭壁崎嶇

非一二日可至水次舟楫半日可到嘉慶十

一年巴東人譚某與本地人在大花坪開立

埠頭另設船隻獨攬裝載自大花坪直送向

王灘上名曰長水而短水遂鮮裝運青洞灘

船戶覃某等因長水專利各據峽口相阻以

致構訟旋斷旋翻二十四年青灘等處埠頭

阻遏長水譚某卽糾搶爭鬥經官斷令長短

水聽客自便各峽之船尙未滿意覃某等公
議各峽止容本地人爲業不復畱巴東人入
夥其長水短水合而爲一得利均分請息立
案自此可免紛爭互鬥之患矣蓋短水固不
若長水之費省而事便長水究不若短水之
頻起而事穩以一葉扁舟破險直下中流失
船身且不保何有於利惟聽客商自爲權奪
則人心之風波舟楫之濤浪可以俱息守土
者其尙從民欲而善爲調劑哉

又按長陽由資坵至鹽市口兩岸土石兼有
其爲石岸者皆巉岩削壁若無船隻不能不
肩輿步行踰山越嶺道路迂迴自嘉慶初元
教匪滋擾用兵者以陸路稽遲命於鹽市口
設峽船一隻往來接遞巴山鄢家沱從而效
之至今以爲便

谿

長楊谿治西六十里今名南汊谿谿水西南潛
穴穴在射堂村東六七里谷中有石穴清泉潰

流三十步許復入穴卽長楊之源也水中有神魚大者二尺小者一尺

水經注

按治西六十里南汭谿卽水經長楊谿也其

源滙龍潭坪

卽射村堂

雪山河二處水於南流洞

入穴潛行七八里至龍坑始見三十步許復入穴水經注曰谿西南潛穴清泉潰流三十步許復入穴是也龍坑西南穴一澄潭深莫測其際居民恆於潭釣魚大者二尺小者數寸名楊魚卽水經注所謂神魚也但云釣者

先陳所須多少今不然矣坑東二里許名麻柳谿谿北山形曲屈山足一洞穴長五六尺下一圓口大如盆時冬月中洞內響如暴風拔樹洞外則無風也置木葉洞口吸之入雖物稍重亦然土人云夏則風出冬則風入二八月間無風亦無聲疑卽水經注所云風井山又龍坑潛流山中三四里許至洞口始出穴冬溫夏冷異於他水卽水經注所云重源顯發也北流穿仙人橋西流龔家谿南又南

流里餘西過胡志坪復北流至覃家河官渡
北注於夸水卽水經注所云南對長楊谿也
昔人云地理之學莫妙目驗今地形瞭然並
以古佷山江州故治驗之實有定所不得謂
古今異名妄涉附會也谿口東半里有龍洞
洞北向口高覆如屋入洞數步得石田貯水
四時不涸把火次進計四十八坵或圓或斜
大者周二丈餘小亦數尺鱗次如卦名曰龍
田側有大石寬二丈餘石上有龍形頭角鱗

長陽縣志

卷之一 山水

二十六

甲彷彿具焉每夏秋雨淋有水西注於南汊
谿之洞口

沿 谿治西北一百三十里爲津洋谿上流中
有魚泉多產陽魚

倒魚谿治西十五里谿北一里石壁上有白石
倒映似魚

馬家谿 治東十里 白石谿 治東十五里

避難谿 治東二十里 榔木谿 治西北四十五里

右 谿 治西三十里 流 谿 治西北六十里

木秋谿

治西北九十里

曉

谿

治西七十里

赤土谿

治西七十里

芭蕉谿

治西八十里

魚紫谿

治西九十里

沿頭谿

治西北五十里

菖蒲谿

治西十三里多

平樂谿

治西二十五里

車谿

治西二十里

鯁魚谿

在鯁魚灘上

七坵谿

治西四十里

黃楊谿

治西五十里

城子谿

治在西北四十里官

後峯谿

治西北三十里

鍾家谿

治西北七十里

徽谿

治西北六十五

分石谿

治西南六十五

青石谿

治西南七十五

長陽縣志

卷之一 山水

十五谿

治西南七十里

隨母谿

治西六十五里

粧谿

治西南七十里

故里谿

治西北九十里

馬連谿

治西八十五里

深谿

治西九十五里

重谿

治西一百十五

向王谿

治西一百二十

燈盞谿

治西一百二十

碓窩谿

治西一百三十

株木谿

治東三十里

胸谿

治西七十甚遠水

西流谿

治東北二十五

磨市谿

治東南三十里

鹿谿

治東南三十里

津洋谿

治西北十里

泉谿

治西北十五里

麻

谿

治西北二十里

靜安谿 治西八十里

磨架谿 治西八十五里

小麻谿 治南四十里

沱

馬家沱 治西七十里

廟沱 治西南三十五里

厚浪沱 治西七十五里 泗沱 治西九十里

長陽縣志

卷之一 山水

二十八

地理志五

關隘

蜀棧秦關雁門虎口險要天生形勝地有邑著

八關洞蠻攻守詳厥奧區勿疏戶牖

梅子八關明地理志長陽縣有梅子八關四在

江南四在江北元時設以備岢蠻

按八關為白石梭草舊關堡蹇家園漁洋關

長毛關百年關菩提隘乾隆元年割江南四

關置長樂縣邑祇江北四關耳

長陽縣志

卷之一 關隘

一

古捍關在縣西昔廩君浮土舟夸水據捍關而

王巴江水東逕捍關廩君浮夷水所置也水

經注

張儀說楚懷王曰秦西有巴蜀自汶山浮

江一日行三百里不十日而距捍關史記公孫

述使任滿下江州東據捍關於是盡有益州之

漢書

先主攻劉璋法正與璋書魚復捍關益

州禍福之門三國志

捍關在今峽州巴山縣

括

地志

廢巴山縣即古捍關

寰宇記

舊關堡在縣西北二百五十里地名招徠河舊

設巡檢司康熙中裁

梭草關在縣西三百里地名蹇家園明設巡檢
雍正十三年裁

白石關在縣東十里清江北背山臨江地最險
要乾隆十八年知縣李拔樹坊額曰白石雄關
方山在縣西北三十里上有風穴嶺峻處如寨
俗呼小城寨 李志謂卽風井山於地望不合
朱志訛城爲秦謂小秦王屯兵其上故名 明
史崇禎十二年七月監軍孔貞會等大破汝才

豐邑坪其賊黨混世王小秦王率黨將賊魁整
十萬王光恩相繼降又獻忠傳崇禎十一年獻
忠降於熊文燦十二年射塌天混十萬過天星
關索王光恩等十三家渠賊先後俱降夏五月
獻忠叛十三家降賊應之惟光恩不從據此小
秦王之降在穀房光鄧閒無由至長陽也史稱
小秦王卽王光恩楊嗣昌傳中列小秦王於羅
黨指王光恩於賊魁又按熊文燦受諸流賊降
處小秦等四營於鄖陽處王光恩等五營於均

州則小秦王王光恩自是兩人

女兒寨

朱志謂小秦之女屯兵此寨之

紅巖寨縣西北百餘里

風火砦縣正西二百餘里

小城寨縣南一百一十里

山寨縣南百三十里

珍珠寨縣南三百五十里

新安砦在縣境

按峽州長陽縣有新安長陽二砦

通志

長陽

長陽縣志

卷之一 關隘

三

東北有彝陵宜都爲屏障其舊關堡梭草關
普隄隘等處俱與岢獠接壤明設三巡檢司
添撥弓丁以守關隘土蠻不許出境漢人不
許入岢天啟元年土司侵擾普隄隘巡檢兵
寡退扎漁洋關七年裁漁洋關巡檢土獠出
入抄掠愈不可制

國朝康熙中添設把總二員兵五十名駐防雍正十
三年改土歸流乾隆元年分土司地置鶴峯長
樂二州縣邑始安堵

關口在縣西九十里舊屯兵處嘉慶元年教匪
擾資坵官兵屯其上亦要隘也

長陽縣志

卷之一 關隘

四


長陽縣志卷之一 下

地理志六 鄉甲 冢墓

風俗

物產古蹟

金



鄉甲

五州為鄉聚鄰成里井以九分家以十紀編甲
書牌互察姦宄山處星零水居竹倚成數備登
夫家役起

長陽縣三鄉編戶三里 通志

長陽縣元七鄉 太平寰宇記

長陽縣十三鄉 元豐九域志

長陽縣志

卷之一 鄉甲

一

長陽縣編戶三里 明一統志

洪武初分崇教安德安甯三鄉萬歷九年清丈

田畝增崇善安興新恩三鄉共六里 舊志

國朝仍為三鄉崇善併入崇教安興併入安德新恩

併入安甯 舊志

崇教鄉 村鎮三十五 鄉約二十四 保正

四十四 牌甲七十九

本城 鄉約一 保正一 牌甲一 添設鄉

約一 保正一

共牌頭二十四

郭家河 鄉約一 保正一 牌甲三 添設

保正一

共牌頭三十

西寺坪 牛盤溪 鄉約一 保正一 牌甲

三

共牌頭三十

鹽市口 平樂 鄉約一 保正一 牌甲一

添設鄉約一 保正一 牌甲一

長陽縣志

卷之一 鄉甲

二

共牌頭二十

社林潭 保正一 牌甲一

共牌頭一十

小蔴溪 車谿 泉溪 鄉約一 保正一

牌甲二 添設保正一 牌甲一

共牌頭四十

都鎮灣 鄉約一 保正一 牌甲一 添設

鄉約一

共牌頭一十

張家灣鄉約一 保正一 牌甲一 添設保

正一 牌甲二 共牌頭三十

馬鬃嶺保正一 牌甲一 添設牌甲一 共

牌頭二十

龍潭坪鄉約一 保正一 牌甲一 添設保

正一 牌甲四 共牌頭五十

黃草坪鄉約一 保正一 牌甲二 添設保

正一 牌甲二 共牌頭四十

胡志坪鄉約一 保正一 牌甲一 添設保

長陽縣志

卷之一 鄉甲

三

正一 牌甲二 共牌頭三十

津洋口鄉約一 保正一 牌甲一 共牌頭

一十

下魚溪鄉約一 保正一 牌甲四 共牌頭

四十

沿頭溪鄉約一 保正一 牌甲三 添設保

正一 牌甲四 共牌頭五十

偏岩鄉約一 保正一 牌甲一 編籍一百

一十九

白石溪鄉約一 保正一 牌甲一 添設保

正一 牌甲一 共牌頭二十

泉溪鄉約一 保正一 牌甲三 添設保正

一 共牌頭三十

城子里右溪鄉約一 保正一 牌甲二 添

設牌甲一 共牌頭三十

木坵溪保正一 牌甲一 編籍八十四

高家堰保正一 牌甲二 共牌頭二十

石城保正一 牌甲一 添設牌甲一 共牌

長陽縣志

卷之一 鄉甲

四

頭二十

天里舖火麥溪自成溪鄉約一 保正一 牌

甲四 添設保正一 牌甲二 共牌頭六

十

白沙駙鄉約一 保正一 牌甲四 共牌頭

四十

倒魚溪保正一 牌甲一 共牌頭一十

東山坪鄉約一 保正一 牌甲一 添設保

正一 共牌頭一十

流溪沿溪鄉約一 保正二 牌甲二 添設

保正一 牌甲二 共牌頭四十

椿樹坪保正一 牌甲一 添設牌甲一 共

牌頭二十

秋木園保正一 牌甲一 添設牌甲二 共

牌頭三十

安德鄉 村鎮二十一 鄉約十六 保正三十

三 牌甲六十六

老鴉嶺鄉約一 保正一 牌甲二 添設保

長陽縣志

卷之一 鄉甲

五

正一 牌甲二 共牌頭四十

渾水堰鄉約一 保正一 牌甲四 共牌頭

四十

柳埡鄉約一 保正一 牌甲二 添設保正

一 牌甲四 共牌頭六十

峯山鄉約一 保正一 牌甲一 添設保正

一 牌甲三 共牌頭四十

磨市鄉約一 保正一 牌甲一 添設鄉約

一 保正一 牌甲一 共牌頭二十

花橋鄉約一 保正一 牌甲一 添設保正

一 牌甲一 共牌頭二十

馬鞍山保正一 牌甲一 共牌頭一十

石嶺鄉約一 保正一 牌甲一 添設保正

一 牌甲二 共牌頭三十

青岩鄉約一 牌甲一 共牌頭一十

前溪保正一 牌甲一 共牌頭一十

楊柘坪鄉約一 保正一 牌甲二 添設保

正一 牌甲二 共牌頭六十

長陽縣志

卷之一 鄉甲

六

資坵鄉約一 保正一 牌甲一 共牌頭一

十

株栗山蒲嶺西灣 鄉約一 保正一 牌甲

三 添設鄉約一 保正二 牌甲二 共

牌頭五十

固里溪鄉約一 保正一 牌甲一 添設保

正一 牌甲五 共牌頭六十

七坵牌甲一 添設保正一 共牌頭二十

桑木山鄉約一 保正一 牌甲二 添設保

甲二 共牌頭三十

西賽坪保正一 牌甲一 共牌頭一十

榔坪鄉約一 保正一 牌甲二 添設保正

二 牌甲三 共牌頭五十

梓良園保正一 牌甲二 添設牌甲一 共

牌頭三十

石並鄉約一 牌甲一 添設保正一 共牌

頭一十

天池口鄉約一 保正一 牌甲一 添設保

長陽縣志

卷之一 鄉甲

七

正一 牌甲四 共牌頭五十

招徠鄉約一 牌甲一 添設保正一 共牌

頭二十

百里荒保正一 牌甲一 共牌頭二十

火山鄉約一 保正一 牌甲一 添設保正

一 牌甲三 共牌頭四十

九里坪保正一 牌甲一 添設鄉約一 保

正一 牌甲三 共牌頭四十

高坵鄉約一 保正一 牌甲一 添設牌甲

正二 牌甲七 共牌頭七十

泉水鄉約一 保正一 牌甲一 添設保正

二 牌甲四 共牌頭五十

巴山保正一 牌甲一 添設保正一 牌甲

四 共牌頭五十

五尖山保正一 牌甲一 添設牌甲一 共

牌頭二十

安寧鄉 村鎮二十一 鄉約十七 保正三十

二 牌甲五十八

長陽縣志

卷之一 鄉甲

八

三友坪鄉約一 保正一 牌甲一 添設保

正一 牌甲四 共牌頭五十

母猪峽鄉約一 保正一 牌甲一 添設保

正一 牌甲二 共牌頭三十

桃山鄉約一 保正一 牌甲一 添設保正

一 牌甲二 共牌頭三十

白虎壠鄉約一 牌甲一 共牌頭一十

九洲保正一 牌甲一 共牌頭一十

蹇家園保正一 牌甲一 添設保正一 牌

一 共牌頭二十

木株鄉約一 保正一 牌甲一 共牌頭二十

枝連保正一 牌甲一 添設鄉約一 牌甲

二 共牌頭三十

茶坵鄉約一 保正一 牌甲一 添設保正

一 牌甲三 共牌頭四十

寧三甲保正一 牌甲一 添設鄉約一 共

牌頭二十

長陽縣志

卷之一 鄉甲

九

寧五甲鄉約一 保正一 牌甲二 添設鄉

約一 保正二 牌甲三 共牌頭五十

嘉慶十七年奉巡撫札諭其畧曰保甲之法由來
尚矣行之直省不必盡同行之各府州縣不必
盡同總以有益民生不擾閭閻爲切要安陸荆
州而下漢廣江永宜行水陸兼權之法中間通
都大邑地廣民稠宜行均平畫一之法惟襄鄖
宜施各屬山深土瘠民戶畸零宜行遠近聯屬
之法向例十家爲一牌有牌頭十牌爲一甲有

牌甲十甲舉一保有保正遴其公正者充之每牌書各家人口戶丁作何生意或有依住親戚及僱工人等均於牌上登註明白懸掛牌頭門首或有出入增減責令隨時稽查添註編查完竣後卽照造總冊二本十牌交甲長十甲交保正呈送該管地方官一本存鄉一本存署每屆季冬由甲長查明所轄之十家牌內如有更換添註者卽在保正所存之總冊內逐一註明保正按季携冊赴該州縣衙門請於存署冊內查

對更正發還不得畱難延緩如此層層稽核地方丁口展冊卽知其面生可疑不入牌冊者卽屬匪徒亦不難互相查察惟山中民戶零星散處相去每至數里其編造門牌不必拘定十家之數或五六戶或十餘戶卽懸一牌餘俱照前規辦理並令城鄉稠密之地戶置一梆輪流支更其在城之紳士兵丁一體編牌輪守山居零戶每牌公置銅鑼一面偶遇盜賊竊發卽鳴鑼知會戶出一人幫同協挈以符守望相助之意

倘有違抗地方官分別移詳察究但編造牌冊
總須親自查辦不得假手胥吏紙張飯食印官
捐辦絲毫不許累民以致胥役藉口派費一面
出示曉諭俾衆樂從倘官已捐辦胥役等或串
通保甲暗中需索卽照蠹役犯贓例詳辦本官
知而縱容及漫無覺察者一經查實定行叅究
無論城鄉山僻倘敢私容形跡可疑之人及子
弟學習拳棒販私聚賭者責成父兄嚴切教誡
不悛者送官究處如父兄縱容許保甲首舉並

治父兄縱容之罪保甲容隱按本犯罪名連坐
挾嫌妄稟陷害者反坐其罪共協拏盜賊送官
到卽收審無許畱難並酌加獎賞但獲賊後不
許私下拷問並擅搜贓物連累良民違者併究
近來充當保甲藉公需索魚肉鄉愚遇鄉分殷
庶卽居爲利藪烟戶零星卽視爲畏途令地方
紳耆公舉老民公正身家殷實者報官驗充所
舉不實卽革退並舉報之人分別懲治如果
有益地方著有成效役滿時傳案查驗酌加獎

賞仍令照舊充當不拘年限並嚴禁書役因公
下鄉向保甲無故索擾犯者加倍處治又庵觀
寺院匪徒改裝潛匿其中僧道等復設法庇護
保甲亦難稽查須責成僧綱道紀一有其事卽
稟官拏究按季出具並無窩留匪徒甘結送衙
備案別經發覺卽一併究治至城鄉客寓飯店
往來人等無定數目設立循環簿交保甲轉給
各店將往來住宿人姓名籍貫年貌來歷逐日
登記城內按月交保正呈送查核一次四鄉按

季查核一次俱換給簿扇循去環來如遇形跡
詭秘來歷不明之人卽投知保正共相盤詰倘
查得實據卽送官究辦仍着各店出具並無容
留匪類甘結按月按季隨同循環簿扇一併呈
送備查所有集場市鎮外來營貿之人店主店
夥俱應一體編查歸入烟戶冊內註明流寓毋
得遺漏襄鄖宜施一道舊有岩洞廢寨最易藏
奸應着落該保甲查明稟請傳知該業戶分別
封閉拆毀其民間所藏火器除因村庄防夜詳

請存畱者在所不禁其餘烏鎗火銃利刀長矛
概不許用違者按律治罪而該地方官每逢朔
望宣講

聖諭愷切詳明且於各鄉認真講約不致虛應故事小
民有所觀感自可長治久安矣

地理志七

風俗

陳詩觀風入境問俗楚鬼越襪宋冠魯服地志
方言大川廣谷竊比孝侯旁徵故牘

昏冠

昏禮六士大夫家行之餘只以梅紅單帖書年
月日時八字請媒送至男家男家亦書其子八
字請星命家推干支合之既定盟有力者每逢
年節相饋遺男女成人男家具茶禮請媒領其

子於正月至翁家拜年示成人意臘月又具儀
至翁家辭年示求昏意曰求肯女家允諾則揀
日具盛服送期帖曰報期前期行納采禮具服
飾釵環隨貧當爲差曰過禮女家治嫁裝稱家
有無前二三日送至男家曰迎嫁奩

古禮冠昏爲二事今則合爲一長陽亦然嫁娶
前一日女家爲女束髮命笄曰上頭又曰開臉
設醮席請少女九人合女而十曰陪十姊妹男
家命字親友斂錢爲金字匾鼓樂導送登堂稱

賀曰賀號不謂字也是日設二席其一擇親友家少者九人合子而十曰陪十弟兄又曰會十友內預擇俊少二人陪往親迎曰伴郎另席請媒曰陪媒又擇有德行福澤婦人二襄合巹事曰圓房又曰圓親婆是日呼冠者爲新郎笄者爲新姑娘女家亦擇兄弟姊妹各二送女男曰男送親女曰女送親

親迎日壻家具綵轎儀仗鼓樂抱家雁壻金花攝盛服往女家曰取親女家設席款壻及媒主

人燃燭焚香祝告先祖畢乃扶女升轎封鎖轎門曰發親男女送親者俱乘輿從將及壻家先歸主人令介持帖請女送親者既至行禮入新房圓房者先鋪裯褥被帳置棗於四隅取早子意謂之鋪牀送親女客入交拜行禮互相稱謝主人預請秀才一人穿公服設香案燈燭置米一升壻立秀才後主人請綵輿男送親者遣人持名帖具儀物送秀才示相請意綵輿至秀才對綵轎撒米三一揖壻隨揖曰攔車馬又曰回

神既陞輿至堂輿人下孀婦孕婦皆迴避送親者出侍輿旁圓親者亦出壻開轎鎖送親者引新姑娘出與新郎並立合拜祖先畢送親者扶新娘圓親者扶新壻入房合盃曰吃交盃酒命男女並坐牀沿曰坐牀牀前設小案然花燭二重輕長短惟均同燃同滅人其偕老曰接臘新人入房後主人命持帖請男送親者至主人延之升堂眾客俱升拜主人畢遍揖眾客乃坐茶話畢壻延客入看新房少坐卽出主人治筵款

男女二家客曰吃下馬飯有力者是日便席次日正席有湯點無力及省穡者卽以下馬飯爲正席俗稱一下馬飯二席有請見新婦者一拜便出無外間鬧房惡習次日黎明新郎偕新婦廟見拜祖宗及舅姑三親六黨以次而拜曰見大小答拜者或以銀釵插婦頭鐲圈綴婦臂或以銀錢置棹上曰拜錢是日舅姑賜新婦席曰陪新姑娘其送親內外俱有席曰陪來親媒妁亦有席曰謝媒三日新婦任中饋事曰下厨房

以母家所備茶菓分獻尊長諸親戚次第相傳
曰傳茶長親有賜則拜而受之近者三日遠者
一月壻女同見外舅姑曰回門

又過禮時衣飾外有布綢尺頭一二丈不等並
寄有翁姑兄嫂弱叔小姑鞵式女卽依式縫就
于歸日與其家自辦喜蛋喜餅茶菓同作一盒
送至壻家飯畢客散男女送親者令人移盒中
堂請舅姑等出將鞵遂一交明謙言鍼綫無似
蛋餅則乞舅姑飭交厨人外封利市付之欲其

來朝預辦新婦盥饋此卽古人所謂婦贄者然
則長陽昏冠實多古意不似奢侈之鄉繁費無
經也

十姊妹十弟兄長陽宜都皆然惟甯鄉有十姊
妹歌彭秋潭竹枝詞十姊妹歌歌太悲別孃頓
足泪霑衣甯鄉地近巫山峽猶似巴孃唱竹枝

自注

甯鄉地近容美巴東民雜蠻苗其嫁女上
頭日擇女兒九人與女共十人爲一席是日父
母兄嫂諸姑伯姊及九女執手牽衣以次而歌

女亦以次酬之其詞曰長大成人要別離別孃
一去幾時歸別孃縱有歸來日能得歸來住幾
時妹妹去哥也傷心嫂傷心門前一道清江水
妹來看孃莫怕深四川下來十八灘灘灘望見
峩嵎山峩嵎山上般般有只少芍藥對牡丹歌
爲曼聲甚哀泪隨聲下是竹枝遺意 按此詞
卽令劉夢得爲之亦不過此此天籟也

喪祭

士喪士虞載在儀禮讀其書者罕聞切究惟文

公家禮士大夫遵而行之然不知酌古準今農
家皆隨俗宜親終日先停榻上置於堂左訃告
親友大小畢集而後入棺曰入材內以漆布糊
縫外塗生漆數週衣衾皆新製子孫親自檢點
周備曰裝老蓋棺曰封殮亦有大殮小殮之分
殮畢士人家用生員相禮讀文謂之宗伯亦曰
禮生民家命道士誦經以引魂旛導引亡魂歸
蒿里曰開路服自親屬逮五服衰麻布帛已有
隆殺餘俱尺布裹頭七七百日多用羽士誦經

焚化袱錢曰燒七燒百日親友具儀賻奠安厝
年月定仍訃告親友往弔者俗名弔紙有具猪
羊設盛饌祭文輓聯橫額並捐金爲賻者謂之
大弔護喪者設席款之喪主扶杖拜謝送布服
孝衣有差富饒者備喪儀轎傘棺娶題主贈旌
祖於庭曰堂祭早晚饋食曰朝夕奠奉亡靈徧
謁祖先曰朝祠壽終耆老皆行之如家禮稍異
者朝夕奠朝祠堂祭士人家例用歌童八人執
旛隨贊禮者後引孝子繞棺三匝歌蓼莪詩初

獻歌首章亞獻歌次章三獻歌四章至生我鞠
勞顧我復我等句主人主婦內外皆大哭村俗
弗用也村俗則夕奠後弔奠無人諸客來觀者
羣擠喪次播大鼓唱曲或一唱眾和或問答古
今皆稗官演義語謂之打喪鼓唱喪歌儒家不
貴也庭祭畢昧爽移柩至門外曰出柩舁柩者
或八人或十六人或三十二人曰擡重無論親
疏皆首戴白布助執紼來觀者亦予白布裹首
曰滿山白先一日開穴曰打井柩已至井內用

白米八方布置曰八卦米滿燒紙錢於中曰熱井移棺入井曰下殓豫備糯米粥石灰炭灰篩土拌和成堆爲三合土漸次細築齊棺曰平棺再加曰掩棺其上合尖如饅首曰圓頂外加生土頑石曰做墳一二年後土性堅老再用方正石條砌成方形或圓形曰包墳葬畢遍稽顙於弔祭者門外以白單名帖投之曰謝孝又或葬後建諸道場一七二七不等曰做齋親友亦來資助祇錢箱簣齋菜等物長邑建祠堂家廟者

甚少欲追遠者祇於清明中元除夕元旦或具饌醴合眾拜獻或冢上祭掃少伸孝思餘惟生日忌辰佳節堂前祭告而已

歲時

元旦五鼓焚檀香用小橫木架插燭九枝曰九品架肅衣冠拜天地君親師牌位畢開門庭燎一對茶菓餅酒一槃主人手持香燭子弟分持庭燎茶菓等每門一揖至大門外面太歲喜神方設香案紙燭四拜謂之出天行放大彩鞭爆

竹畢回至堂中拜父母尊長老幼各以次相拜
卽出拜師長朋友親切者謂之拜年間日具省
墓香紙燭鞭名曰上墳村人拜年有遲至一二
日者嫁女亦回母家拜年多半在正月尾二月
初新嫁者夫婦同來則必於正月初旬諺曰有
心拜年不論遲早又曰青草蓋牛蹄正是拜年
時彼此相要醉飽盡歡正月以內謂之喫年飯
二月以後謂之喫春酒

竹枝詞有心拜年莫道遲君看青草蓋牛蹄東

風不醒堆花酒吹得行人醉似泥

秋潭集

上元節城內四街城外四鄉懸燈或扮演龍燈
獅子竹馬及雜劇故事先於各廟朝獻謂之出
馬然後逐戶盤旋擊大鈺鼓主人亦肅衣冠拜
神蓋猶索室毆疫朝服阼階之意有牌燈一對
上書吉慶語龍獅舞罷扮雜劇絲管吹彈花燈
成隊唱荷花采茶等曲謂之唱秧歌或飾男女
爲生旦扮小丑謂之跳秧歌聽者謂之聽秧歌
十二三日爲正燈十五六日爲罷燈喧闐徹夜

曰鬧元宵幼女請紫姑神問災病休咎年歲曰
請七姑娘持爆竹山中然放有聲曰趕毛狗毛
狗卽狐也俗謂狐之爲妖率於十五拜月新年
十五尤甚故驅之是日以米粉包饘肉豆沙不
等因相饋遺謂之元宵團俗稱毛狗團言以是
供狐一云趕毛狗之行糧也

竹枝詞燈火元宵三五家村裏逐鼓也喧譁他
家縱有荷花曲不及儂家唱采茶秋潭集荷花
曲甚俚采茶歌有曰三月采茶茶發芽姊妹雙

雙去采茶大姊采多妹采少不論多少早還家
三月采茶是清明奴在房中繡手巾兩邊繡的
茶花朵中間繡的采茶人俚而不俗頗近竹枝
池北所載粵風續九無以過也

仲春朔二日社神生辰每社先一日各於社廟
前糊布棚懸燈綵鳴鼓鑼每家出酒肉合席聚
飲老少子弟竟夜歡譁謂之鬧土地會其在衙
署名衙神土地書役作會亦如之三日

文昌生辰師儒官吏演劇慶祝各鄉有

文昌廟

者俱各斂錢行事謂之做文昌會是日農夫耕
治水田豫備栽種曰整田又耕旱田備種包穀
隨地形曲折一犁定向挨次耕去使參差成行
一律整齊曰打蓯又曰破蓯播種入土曰撒子
季春清明士女踏青以五色紙旛各種花樣名
清明弔繫小長竹竿插冢上曰插青又曰挂青
攜榼載酒食祭畢席地聚飲竟日方歸兒童嬉
游河畔郊野園圃閒放紙鳶爲戲曰放風箏鄉
人采雨前茶下清明秧有雨曰清明雨遇雪曰

桃花雪諺云貧人休聽富人哄桐子開花下穀
種又云過了穀雨不怕風雨又云貧者不要誇
三月凍桃花三日爲媒神誕辰土人名三仙孃
孃會相邀慶祝婦人求子者羣至是月旱苗草
須薺曰薺頭道草苗初長去其太甚曰破苗
竹枝詞縞袂丹裙素色衣山城士女插青歸偶
然摘朵山花戴惹得游蠶遶鬢飛 楊柳青青
好春天清明陌上放風鳶楊柳逢春他自發風
鳶綫索要人牽

涼漿樹下多開遍山花叫山鳥鼓鑼處處唱山

歌 東樵贅餘

孟夏八日乃浴佛日俗用僧人建佛祖會家家
梅紅簽作十字形書韻語四句貼壁借佛力使
屋上不生毛蟲名曰嫁毛孃此蓋嶺東西風俗
也是月立夏農夫望雨種禾諺云立夏不下犁
耙高掛小滿不滿芒種不管其種稻先一日主
騎秧馬入田取秧扎成大把名秧把將秧把散
擲淨田中均勻分立名梅花瓣栽秧者下田各

取秧把分插皆偃偻以退爲進另二人擊鼓鑼
唱秧歌亦退而走鼓緩插亦緩鼓急插亦急名
點蓢橫直成行爲上蓢替換爲接蓢一人太快
上前眾人俱落後爲勒蓢鼓鑼繁促不唱插者
亦繁促不語爲催蓢插畢彼此互要飲食爲洗
泥又曰洗犁謂來歲方用犁今後只須去草待
收穫也旱田草盛工忙互相助爲換工亦擊鼓
鑼歌唱節勞逸有頭歇二歇三歇至末鼓鑼與
薅鋤齊急不聞人聲爲趕蓢謂之薅二道草三

道草諺云夏草如走馬言草生甚速須連薙三
次苗深陰密草不能蕃田歌云家中忙去蠶將
老外閒忙來麥又黃故四月總謂之忙月
竹枝詞栽秧插禾滿村啼正是栽秧插禾時口
唱秧歌騎秧馬晚來還帶鮓包歸秋潭集栽秧
插禾禽言或云卽布穀栽秧時主人采木葉包
裹魚肉每人一分曰鮓包子更以饋餉木葉自
有一種卽名鮓包樹

五月天中節家家包角黍曰包粽子配醃蛋菓

品肉魚相遺爲送端陽節堂中懸天師收五毒
像啖角黍飲菖蒲雄黃酒曰過端午鄉間十五
日爲大端午二十五日爲末端午以月大小卜
諸菜熟否諺云五月大瓜菓葫蘆不上架五月
小豇豆瓜瓠喫不了十三日俗名

關帝磨刀會是日有雨名磨刀雨二十四日爲分
龍雨自此雨分方道各有龍主之不一時同雨
也二十六日爲得穀雨諺云得穀不得穀只看
五月二十六二十八日

城隍神生日邑人朝獻或供大燭集梨園稱觴上壽季夏一日得雨可占一月多雨諺云六月初一得一漚漚滑滑直到秋又六月打連陰點點是黃金自五月分龍至此大雨時行或此田有彼田無土語六月下雨隔田塍正謂此也孟秋七月牛女渡河婦女乞巧登樓眺望見五色采雲現爲得巧謂之看巧雲十五爲中元節家家祭祖先用紙錢包封謂之包袱新喪爲新亡人十一日燒化餘爲舊亡人十三日燒化鄉

城屠戶皆宰大猪家家肉魚雞鴨豆瓜之屬概用四冰盤一品碗祭畢而宴謂之過月半嫁女皆歸新嫁者接更早前嫁者或歸或不歸新嫁者無不歸也僧家爲盂蘭會撞幽冥鐘俗又謂之過鬼節諺云年小月半大神鬼也放三日假又云過了七月半一日短一綫八月十五日牛王生辰於卯刻誦經爲牛王會事畢飲福是日日本中秋佳節以西瓜月餅核桃栗子水梨石榴餽親朋至夜設酒饌食餅瓜諸

菓謂之賞月三五成羣偷知好園中瓜菓謂之
摸秋摸得南瓜用綵紅鼓樂送無子之家謂之
送瓜男南同音瓜又多子謂宜男也以是夜無
月占來春上元有雨諺云雲遮中秋月雨打上
元燈又以月大小占諸菜豐歉語云八月小蘿
蔔白菜喫不了八月大青菜白菜當肉價

季秋九日士人攜酒登高極游觀之興家造醪
糟伏汁酒又名浮汁酒伏浮一音也其酒經年
不豔謂之重陽酒竹枝詞輕陰微雨好重陽缸

長陽縣志

卷之一 風俗

十四

面家家有酒嘗愛他采茶歌句好重陽做酒菊

花香

秋潭集

立冬小陽士人登嶺望梅飲春酒以朔日占來
春雨諺云十月初一晴交春下雨到清明

仲冬長至令節相拜賀惟士大夫家行之近亦
少矣以初一十一二十一占物價低昂諺曰冬
月三一晴穀米一般平冬月三一陰穀米貴如
金是月村塾皆散館畱者謂之讀冬書 楊于
果竹枝詞六月炎天夜讀書燒殘燈火四更初

年年散館纔冬至閒卻長宵負歲餘
季冬八日用糯米粘米綠豆紅豆黃豆黑豆白
豆臘肉剁碎雜煮作粥者名臘八粥食之老者
健少者無災二十四日用飴糖成箇曰竈糖盛
以盤雜糧茶葉另一盤爲馬料將鍋竈打掃潔
淨排列各盤鍋中以盃盛油徹夜長燃燒香紙
鞭爆祭竈神謂之過小年

除日以猪首四蹄並尾象全牲雞一魚一祭祖
先畢徹去肆解猪首肉二簋蹄尾二簋雞魚各

菜共十簋男婦老小共一席不拘人數謂之團
年合門歡喜不說苦愁其肉食惠及貓犬花菓
樹木澆以肉湯云不生蟲掛鍾馗紫薇像貼門
神書神荼鬱壘四塊曰貼門腳糊春聯門楣貼
梅紅花錢凡壁鋪皆貼金錢楮錢謂之喜錢地
爐先備大格兜曰火主足燒一夜有餘次加柴
炭圍燒俗云三十裏火十五裏燈各房中各樹
下皆點蠟燭一枝門外壁燈門內堂燈各安設
畢拜父母尊長弟兄姊妹互相拜又出拜至戚

師友謂之辭年小兒用紅繩穿青錢成長聯或成團餅掛胸襟前名曰壓歲錢至二更又祭拜祖先封各門至翌日極蚤時方開謂之關財門燒更紙至此合家圍爐談笑飲食爆竹徹夜謂之守歲

俗諺

楊柳青放風箏楊柳活打得落楊柳黃放響網
楊柳死踢鞦韆子長陽舊諺朱竹垞明詩綜收楊柳青二語屬之江南謠周櫟園書影有楊柳黃

擊棒壤無楊柳死四語得落風箏鞦韆子至今長邑鄉村兒童猶然響網者切薄竹去節長三寸許徑二寸旁開側隙令與中通另用壺瓜壳二圓塊中鑽小眼嵌筒兩頭以六寸圓竹簽貫之上出二寸半下出五分末銳如錐以粗線索二三尺緊纏上出近筒處留索頭三寸用竹片長五寸博六分一頭有眼引過索頭籤直片橫一手捻定一手捻索頭離地尺許驟掣之脫索落地圓轉勁甚風入隙鳴大聲高舉響徹四鄰放

時兩手分撒若打網狀故名

四時不宜甲子雨四季不用丙寅風有則為災

日暈長江水夜暈草頭枯

早看東晚看西言是日陰看西者如烏雲接明日必

則明日必雨

南風人人笑北風箇箇愁五穀畏北風

有雨四下亮無雨頂上光言雲之聚散也

早晨燒霞等水燒茶晚上燒霞乾死蝦蟆此語即

朝霞不出門暮霞行千里之意

長陽縣志

卷之一 風俗

十七

但得立春晴一日農夫不用力耕田言是年調雨

驚蟄不動蟲冷到五月中言雷宜及時也

二月初一打傘菽麥必定光桿

二月初一晴樹葉發兩層言春寒

小麥遭夜雨無麩見東君四月雨廿四麩麥面生日音不

頭八無雨二八休三八無雨直到秋謂十五八月二

十八

八月八日晴八月無雨過田塍自初一至初八

金水最不好土木盡歸家言霜降屬金水土次年

大熟

古語云要宜麥見三白土人乃有一九對一伏之說謂今年逢九有雪則次年逢伏必有雨驗之果然

久晴西風雨久雨西風晴

久雨逢庚晴久晴逢庚雨

久雨逢庚必單日乃晴久晴逢庚必雙日

乃雨

燕會

邑俗客至款飯遇節互相宴飲姻家及顯貴依

長陽縣志

卷之一 風俗

十八

時款或十簋或八簋一火鍋或五簋四盤或四

簋二盤不等雞鴨魚肉而外無他珍味閒有用

燕窠魚翅海參者羣相譏諛謂之講款式

生日戚誼具祝文壽聯朋契攢金爲匾額具禮

儀以賀產子親友相遺以雞鵝米蛋餈糖之類

謂之送粥米生子三日謂之喫三朝飯滿月爲

湯餅會謂之整滿月酒週歲碎盤謂之抓週多

治花樣衣蠲福壽銀錢以賀外大父大母則更

從豐無大父母則舅氏亦然

服食

士以布衣名庶人而綺羅淫且侈矣長邑衣飾近古貧者多以本地紡織家機布爲常服婦女荆釵布裙者十之八九城市稍奢然亦綢布相閒無整套綢緞者嫁娶閒尚華麗然銀器綢綾外無他飾夏惟葛麻冬鮮羊裘女功除紡織外甚勤苦而不以蠶爲事蓋荆桑葉薄至長陽更薄故其絲不甚可貴亦地氣使然非惰也諺云勤喂猪懶喂蠶蠶工只四十五日猪須半載而

舍此取彼者以不宜蠶故也然至今未嘗廢蠶特不多耳楊于果竹枝詞華妝也只布衣裳汲水樵薪卻勝郎可惜桑陰綠滿地春蠶不祭馬頭孃

城市日兩餐皆稻穀碓舂上熟中熟不等四鄉俱三餐臨溪多水田稻米用碾依山盡旱地多食包穀米亦閒用麥菽粟菽其釀酒多用包穀水鄉閒用稻然亦甚稀名堆花燒酒用糯米小麴釀成醪醴俗名伏汁酒又名醪糟用水煮熟

去糟名解水酒與燒酒平半對和者名兩攙夾酒其燒酒強半者名夾缸酒村店賣酒無他肴核魚肉蔬菜而已當爐無文君臥甕無阮籍俗雖陋而風則古矣 縣西甯鄉界連容美巴東宴會以吃啞抹壘酒爲敬啞抹云者謂前客以竿吸酒以巾拭竿讓後飲者酒以糯米釀成封貯壘中飲客則取置堂榮正中沃以沸湯令滿以細竹通節爲竿插透壘底堂中置案雜列雞肉蔬菜盃用最麤三級名曰蓮花盃肉以兩頭

蓋過盃口爲度謂之過橋每一壘設棹一上下兩旁各置箸一而不設坐客至以次列坐左右畢主人呼長婦開壘肅客婦出正容端肅隨取沸湯一盃於壘側就竿一吸畢注盃水於壘不歉不溢謂之恰恰好每客一吸主人一注水前客吸過赴棹甫舉箸而後客來彼此不以爲嫌也凡吸歉溢者皆罰再吸故酒雖薄亦多醉者主賓喧譁唱蠻歌俚曲歡然而散 按啞酒出蜀中大司馬周海山璜在都中曾以飲人吳竹

嶼爲作哂酒歌楊升庵謂杜詩所稱蘆酒卽哂
酒竊意劉夢得竹枝詞卽蜀中哂酒歌竹枝卽
吸酒之竹竿詞卽其歌也太鄙俚夢得特於
字面少潤色耳 竹枝詞蠻酒釀成撲鼻香竹
竿一吸勝壺觴過橋猪肉蓮花盃大婦開壘勸

客嘗

晦齋閒稿

屋廬

器用附

民舍自明季大兵後宅第坵墟 國初復縣治
時大率皆草棚葦舍後乃漸易陶瓦魚鱗雁齒

長陽縣志

卷之一 風俗

二十一

比戶皆然鄉間以瓦屋爲富戶四面造屋謂之
四井口亦曰四水歸池中設門樓兩相對峙者
謂之老人頭俱不尙高大無丹雘之飾周環土
牆或以竹木架瓦或蓋茅茨林盤掩護比族錯
居大率皆殷實土戶其餘貧窶之家外來佃民
皆茅茨多瓦屋少其器用鮮置金銀亦無骨董
寶玩鋪設不過磁陶竹木 朱志 今則漸染大郡
邑氣習居室闊大華美器用景窰細磁服飾金
珠緞縐宴客燕窩魚翅海參亦有用燒烤者由

儉入奢家計日乏留心風俗者宜防其漸
土著

長邑皆重去其鄉讀書者以讀書爲業務農者
以力田爲業鄉館村塾隨處皆有戴笠叱犢比
戶同風工商皆自外來土人絕少間有遊學之
士所往不出百里外農家秉耒不過村鄰友助
貧者傭值度日自食其力亦靡有充胥役越本
境者百藝雜作多屬流寓行貨下至沙市上至
宜昌而止漁人捕魚多在平潭深溪處施以網

罟罾釣之屬若漁舟釣艇冬初有蜀客泛江而
來冬盡輒返樵薪山中實便而貧家婦女相率
負簍執柯登山采拾汗顏蓬首不以爲疲猶有
勤儉之遺從前地廣人稀承平以來他州外縣
至此卽爲久居計閱數十年卽成此邦人偶遇
飢饉亦不丐食遠方諺云井裏蝦蟆井裏喊檐
前麻雀檐前飛此之謂也

竹枝詞勸郎切莫上川西勸郎切莫下竹谿川
西雖好風波險竹谿雖好有別離 凍死甘心

莫偷盜餓死甘心莫捧瓢自從戊戌荒年後砍

柴不砍馬胡梢 秋潭集

方言附畧

荆湖地中天下五方雜處音語不齊長陽尤甚

南鄉局若吉須若兮西鄉二若日上若常北鄉

夫若乎肥若回東鄉玉若裕畜若酬此類皆俗

語遞傳古音通轉一成之見十里不同也曾祖

曰太公 見史記 外祖曰家公 見列子 父曰爹 見

南史 母曰媽 異俗文字與本一姥音而 兄曰哥 見韻會 姊

長陽縣志 卷之一 風俗 二十三

曰姐 見說文 痛兒曰狽 見揚子 罵兒曰崽 見水經注

愛兒晚生必名曰么 豕名 使兒易育多名曰狗

犬名 凡慧潔者曰甯馨 見晉書 不 凡粗橫者曰

鹵莽 見莊子 指物曰東西 宜從吳塘說 作事曰生活 見孟

子 驚羨聲曰夥頤 史記原泥 反詰聲曰怎樣 見本集

雙聲 吝財曰守錢 見晉書 求食曰打瓦 即瓦子 迷惑

曰見貓鬼 見隋書 顛狂曰發馬風 見醫書 出噓曰人

道我 出鄭箋 詐詞曰予給若 見列子 此類音豈無偏

語皆有本又所謂風不忘舊傳則眾咻也

地理志八

物產

五土之宜萬民所寶器用資多饗殮味飽彝水

恨山巖深谷渺酈書神薤孟登藥草萬種千名

是稽是考

穀之屬

稻有白稈黑糯多早種粱即秫多有種糯麥燕有四大種小米黍

亦有稷造糯酒二種稷有姊妹五種花麻有白榨油二種苡甜

三苦種蠻菰尤莖肥白大豆有茶多黃赤白小豆有綠有赤多黃

長陽縣志

卷之一 物產

一

種蠶豆一大一小二胡豌豆俗又呼麥一豌豆有連白殼食二

禹餘糧即穀自薯二有種紅白芋有二種水旱羊芋有三黃種白

蔬之屬

葱 蒜 薤 芥 韭 芹 莧 茄 波蔕

萵苣 壺盧 瓠 豇豆 扁豆有蛾眉龍爪

四季豆又有五種刀豆 王瓜即黃瓜冬瓜 西瓜

南瓜 北瓜 菜瓜 越瓜 筍瓜哈蜜洗瓜

苦瓜 絲瓜 金瓜 蕹菜 春不老芥別種

菘 紅菜又裹一蕻 蕓臺 藕 蒿麻菜 蘿蔔

胡蘿蔔 黃芽白菜 蒼蓬 同蒿 萹蒿

藜藿 花椒 冬苣菜 蔓青 百合 園苳

馬齒莧 以上家蔬 萊 胡椒菜 蝨麻 木耳

懸絮菜 金豆子 石耳 菌 竹有重香陽楓松茅刷

等名羊肚鷹所翅猴頭雞爪 山胡椒 椿顛 繁縷

適蓂菜 乾魚菜 岩花菜 龍鬚菜 榆莢

江女菜 陽雀菜 臭娘菜 苦蕒菜 葶臍

竹葉菜 棋盤菜 蕨薺臺 金針花 茨姑

鱧魚鬚 菱 蒟蒻 枸杞蕨 薑葉筍 以野蔬上

長陽縣志

卷之一 物產

二

草之屬

棉 苧麻 葛 苧麻 雞冠 玉簪 鳳仙

罌粟 木香 蓮 芭蕉 劉寄奴 麥薺冬

燕支 繡毬 臺 水仙花 黨參 天門冬

沙參 萎蕤 黃精 厚朴 黃連 何首烏

黃蘗 五加皮 天麻 杜仲 牛膝 紫草

金沸草 續斷 艾 瓜萇 獨活 白藥子

紫蘇 白芨 青葙子 細辛 商陸 防風

有種水岩 密蒙花 鵝不食 車前子 青木香

忍冬	升麻	青木香	前胡	芍藥	木通
牛蒡子	石斛	草烏頭	勾藤	苔	狼毒
常山	木鼈子	草麻子	蒼耳子	豨薟草	
雷丸	伸筋草	茜	鈴兒草	射干	藁本
龍膽草	夏枯草	半夏	骨碎補	威靈仙	
荊芥	桔梗	當歸	鞠藭	三棱	石菖蒲
水菖蒲	薄荷	木賊	款冬花	葦	貝母
伏苓	山豆根	九龍盤	八角草	半邊蓮	
百部	菸	獨腳蓮	尋風藤	三七	蚤休

長陽縣志

卷之一 物產

三

蜀葵	黃蜀葵	棉麻	藍	還陽草	天茄
天蘿蔔	木子菜	阿陀	羊躑躅	淫羊藿	
薊 <small>大種小</small>	萍	蘩	蘊	藻	蘋
地榆	遠志	薑黃	大黃	石長生	景天
虎耳	酸母	蒺藜	瓦松	隔山消	旋花
見腫消	洛陽錦	芒	蔞	<small>有草木藤三種</small>	三
土伏苓	釘把刺	萇楚	倒挂刺	烏蔽母	
飯藤	蛇見退	八月參	奶漿包	雞矢藤	
紅藤	蓼	狗尾草	薺	翻白草	蒲公英

芫花 穀精草 蓼 蔓 曼陀羅花 觀音蓮
毛茛 蓴麻 葡萄 益母 魚腥草 薏苡
水燈草 苦蕒 稗 雁來紅 野韭 豈豆
玫瑰花 野豌豆 落花生 鴨跖草 大麻
俗呼乾剝皮自昔訛爲火麻

木之屬

松 柏 枅 梓 椿 桂 花甚精妙爲佩 楸 柳
楊 柘 楮 棟 榆 榭 皮香可 檀 楓 株
苦桃 酸棗 荏桐 子榨油 梧 烏柏 子榨油可 白楊

長陽縣志

卷之一 物產

四

檜 黃楊 刺楸 鐵軸 荆 杉 椴 桑
馬尾松 牛尾松 楮 皮爲紙可 紫荆 樟 夜合
凍青 女貞 阜角 有肥柴二種 無患子 可染實 樺 實可
青檀 野槐木 槐 漆 大種小種 桃 有白碧毛 李
梅 杏 柑 有數種 橘 有數種 柚 橙 緣 櫻桃
梨 栗 棗 蘋果 林禽 石榴 棘 查
核桃 木瓜 枇杷 銀杏 柿 有寶蓋牛 茶
枳椇 櫟 實名粉椪 棠梨 茱萸 胡頹子 樸
薔薇 有四季種 牡丹 海棠 芸 梔 木芙蓉

山茶 杜鵑 臘梅 木筆 玉蘭 栲 柎

雀不踏 無花果 椒 八角盤 榼皮可漬

金櫻子 狗骨 南天竹 枸杞 石楠 蔓

荆 槿 瑞香 檉 藪 五楮子可染 凍綠皮可

布染香果木 馬溜光 九剛斧 水冬瓜 桑

寄生 六月凌

竹之屬

笙竹 箐竹 水竹 白竹 紫竹 慈竹冬即

竹斑竹 實竹 冷竹 風竹 軟竹 毛竹

長陽縣志

卷之一 物產

五

箨竹 羅漢竹 畫眉竹 鼓竹細而觀音鼓生一

鳳尾竹 龍頭竹俱可為紙

羽之屬

雞多種類 鴨 鵝 鶉 鷓鴣 鷓鴣 鶴 雉 鶻

鷺 桑 鳶即雀蠟 秧雞 竹雞 鶺鴒 鷓雞 鴉雞

鷓雞 鷓鴣皂鷹色 鷹化鳩隼 鷓鴣似山雞 斑鳩祝

鳴鳩布穀 睢鳩 白鷓 鷓鴣 瓦雀 鶉有卵斑

鷓無化斑生 燕有石梁三種土 鼯鼠俗名催 鷓 鷓鴣 鷓

百舌 戴勝鷓山 鷓鴣 烏 鷓 鷓 鷓 杜鵑

廠石 寒水石 燕子石 觀音土 白堊土
紅土 太極石 墨石 無名異 洞煤
石寶金

地理志九

古蹟

清江水逝人往名畱存神過化蔓草荒邱戰壘
一片蘆荻千秋登之簡畢憑眺歌謳

佷山廢縣舊治在今治東二十五里舊志夷水

又東逕佷山縣故城南一里卽清江東注矣南

對長楊溪水經注佷山城在長陽西六十五里

同昌市方輿紀要佷山在縣西北八十里通志

睦州舊治在縣西六十里隋開皇中置八年立

長陽縣志

卷之一 古蹟

一

睦州十七年州廢唐書地理志睦州故城在縣

東南郡長陽縣注故睦州在長陽縣東三百步

巴山廢縣在縣西九十里唐武德中置今其地

仍名巴山舊志清江郡巴山後周置江州開皇

初置清江縣十年改江州曰津州大業初廢隋

書地理志巴山隋分佷山地置武德二年置江

州領鹽水巴山四年廢江州以長楊置睦州八

年州廢與長陽並隸東松州貞觀元年屬峽州

舊唐書地理志天寶八載省巴山入長陽唐書

地理志 峽州巴山縣北有山曲折如巴字因名

通典 廢巴山縣卽古捍關隋開皇五年置今廢

寰宇記 巴山故治在縣西

鹽水廢縣在縣西二百里唐武德初與巴山同

置或云卽鹽井寺舊志江水又東過巫縣南鹽

水從縣東南流注之鹽水卽夷水也

方山廢縣向傳在方山下 清流廢縣 按晉

書地理志宜都郡領夷陵夷道佷山朱志稱晉

史太康元年改佷山曰輿山太康元年卽平吳

長陽縣志

卷之一 古蹟

二

之年也旣爲清流復爲輿山未知何據今循覽
晉書無清流輿山之名

江州廢州後周置十八年改江州爲津州武德

二年置江州四年廢舊唐書地理志

資田廢郡在治西一百二十里北周時置今其

地爲資坵上接鹽水下連巴山旱通歸峽水遞

荆沙爲一邑場市冠

古直城一名魚城在長陽西北五十四里四面

險峻有林木池水通典魚城在長陽西北五十

里爲守禦要地 寰宇記

藏書洞在縣西北二十里宋冲晦處士郭雍藏

書處道光元年知縣朱庭棻立碑表識邑故明

經李楚瀟有記 李陽古楚佷瀟山白雲先生蹟多藏矣書尤洞著記者長

雍藏書洞人爲宋白忠雲先生郭子遺蹟先號兼名

山號先生雲先傳父此學藏書世務所居由峽來也放洞浪在山邑谷

其西名或兩曰河藏口鼠或慶曰乙亥水春間有瀟知假者館則於誦斯問

名輩誰呼先郭子之意節洞如裏彼其書來句而不可能舉幾其

俗易口或說知其地不知此其然歷風霜地不與毀者皆忘精神流

長陽縣志

卷之一 古蹟

三

之奇也指往迹而疑後者學景行之遷心也傳不瀟朽

過於課丈讀大之暇披數山椽名步賢石磴訪其古景陞高昔不

伊三大注易至洞今在涪州豔北岩今有於山谷題手澤深

所在表而出之其亦猶此意也夫

風穴 方山四面俱方有風穴大如甕夏則風

出冬則風入春秋分則靜 明一統志 風井山迴

曲有異勢穴口大如盆袁山松云夏則風出冬

則風入春秋分則靜余往觀之其時四月中去

穴數丈須臾寒慄卒至六月中尤不可當 水經注

佷山山上有風穴口大數尺每冬夏出入之際
吹拂左右常淨暑月經之凜然有衣裘想荆州記

仙人室 夷水又東逕石室在層岩之上石室

南向水出其下懸岩千仞村人駱都幼時採密
此室見仙人坐石牀上見都凝矚不轉都還招

村人往視則不復見鄉人今名爲仙人室水經注

仙人室在龍角山東北相傳昔有仙人憩此村
人採蜜見之俄失所在荆州記仙人室在縣西

南通志

長陽縣志

卷之一 古蹟

四

神穴有二 佷山縣北十餘里有神穴平居無
水有渴者誠啟請乞輒得水戲求者水終不出
縣東十許里至平樂村又有石穴出清泉中有
潛龍每至大旱平樂村左近村居輦穢草著穴
龍怒須臾水出蕩其穢草旁側之田皆得灌溉

水經注

陰陽石 夷水東逕難畱城南城卽山也獨立
峻絕西南上里餘得石穴把火行百步許得二
大石磧並立穴中相去一丈俗名陰陽石陰石

常溼陽石常燥每水旱不調居民作威儀服飾
往入穴中旱則鞭陰石應時雨多雨則鞭陽石
俄而天晴相承所說往往有效但捉鞭者不壽
人多惡之故不爲也水經注 佷山縣有一山獨
立峻絕西北有石穴以燭行百步許有二大石
俗名陰陽石旱鞭陰石則雨雨鞭陽石則晴荆
記 穴內有陰陽二石陰石常溼陽石常燥鞭陰
石則雨鞭陽石則晴方域志 龍角山在清江北
穴有陰陽石輿地紀勝

長陽縣志

卷之一 古蹟

五

高宗純皇帝御製陰陽石五言律詩一章載

樂善堂集

軍嶺在縣治東清江南五代時將軍李景威死
難於此邑人立廟祀之遺蹟尙存其山頂有白
雲現出雖久雨必晴道光元年知縣朱庭棻立

碑表識舊志

溫泉 夷水又東與溫泉之水合大溪南北夾
岸有溫泉對注夏煖冬熱瘍疾百病沐者輒愈
父老傳此泉先出鹽于今水有鹽氣夷水有鹽

水之名此亦其一也今其地名鹽井寺

射堂村在縣西南七十餘里 清江東注南對

長楊溪溪水西南潛穴穴在射堂村東六七里

谷中有石穴清泉潰流三十許步後入穴卽長

楊溪之源也

水經注

平樂村 佷山縣東十許里至平樂村從平樂

村順流五六里東亭村北上合下空中有石林

甚整旁生野韭人往乞者神許則風別分隨偃

而輸不得過越不偃而輸輒凶

水經注

魚泉在縣西九十里山半有洞穴產魚每春雷

發聲隨瀑飛落居人常候之至時不得雷則多

取大鼓洞口播之魚亦出但少耳與酉陽雜俎

所載興州事正同

舊志

巴山洞 巴山在縣西百里清江北其南絕岩

閒有洞焉好事者往探之緣巖爲步扶掖而登

三折至洞所西望西灣諸山青紫交映若列障

江水一泓澄清曲折經洞下未至三百步而隱

東至巴山麓滃然仰出流里許爲飛雨灘洞口

約闊三丈許沙平若繡其右沙際石筍自巖中
出長三丈餘宛延若游龍但不見首石上圓下
削圓處通身作三楞捫之稜稜然尾端曲際涉
微窪常滋潤若水漬有石子四五枚圓若轉丸
色黯白理糙若新脫石中者或云龍糞也每拾
盡旬日復有以爲常已乃篝火導入洞初行七
八步經一堦兩石對蹲若獸呼爲獅象過堦少
下十餘步爲一坪行百餘步有二石筍矗兀前
偃土人曰此寶塔也倍火燭之一大一差小目

力所極小者恍惚及巔大者不知高幾千丈也
筍俱灰白色通身作蓮瓣狀鱗比層起不少亂
又進二三十步有一穴名爲天坑燃香擲之火
下無影投以石殷殷然作雷鳴使人心悸不敢
再入而返

舊志

白虎隴在縣西二百三十里 昔廩君死精魂
化爲白虎故巴人以虎飲人血遂以人祀

水經注

按廩君之生也出於赤穴其死也化爲白虎
蹟涉怪誕然黃熊迹化虎乳星流異人異事

理有固然廩君望岩而嘯山若爲崩其有功
夷水必多生而君之死而神之白虎有隴官
也

舊志

冷水橋縣西三百里交巴東界有濫泉發源數
十步澗闊水深寇萊公建橋以便往來地勢高
爽溪流灣環林木映帶橋下有潭一碧丈餘游
鱗可數萊公每勸農畢卽棲息其上泉渟風冷
景物清美勒詩於石後圯於水碑亦埋沒其詩
土人猶有能記誦之者

舊志

地里志十

金石

大邑通都徵文考獻勝蹟名區昭章史傳博古成圖耳聞目見得之佷山殘珪一片

虎鎛紹熙三年余仲子伋簽書峽州判官於長楊縣得其一其高二尺上徑長一尺六寸闊一尺四寸二分下口長徑九寸五分闊八寸虎紐高二寸五分足闊三寸二分并尾長一尺重三十五斤蓋虎鎛也家藏古器一百餘種當以此

長陽縣志

卷之一 金石

一

爲第一

容齋隨筆

謹按周禮小師以金鎛和鼓國語

又言戰以鎛于鄭註韋解但言形如蝓頭與鼓相和而高闊輕重之制弗詳焉南齊什邡民所獻始詳載其尺寸宣和博古圖載諸鎛凡十餘種而虎鎛有七自五十斤至七斤不等馬氏通考疑非周制竊意南史及宣和圖說亦各以宋齊權度約之未可泥以爲周制本然也嘉慶甲子施南人又於土中掘得大小鎛二大者重五十餘斤小者二十餘斤按其形製悉與圖說相

合固未可以古尺今稱三而當一之說繩之但施南長陽鄰近屢獲此錚殊不可解姑存疑以俟博雅通志

縣西一百八十里枝柘坪諸生李廷芳家藏虎錚二大者三十餘斤小者十餘斤又有鐸二其一圓高一圓高七寸徑尺餘下徑五寸有餘其一圓而扁高六寸許上徑八寸許下口徑尺餘通身俱鏤方釘長分半大如筋頭圓者二十四釘扁者三十二釘每叩一釘聲各不同

嘉慶二十五年縣東南三十里磨市民廖祖培買得古器一其形如虎錚腹有篆籀文作𠩺字形今藏吳氏

縣東三十五里龍臥沱諸生李春茂家藏一古器得之長陽山中其形如古尊壘下有三星高寸許左右有二環上口微哆腹際上下有紐紋數十銅色斑駁無能名者

金鐸乾隆四十八年癸卯老鴉嶺農人犁田得一物高一尺四寸上肩徑四寸肩上有柄圓徑

一寸長四寸下口徑八寸側徑寸半腹際花紋突起約數十枚如鼓釘識者目爲金鐸但鐸有舌此無今藏胡明經純廉家

古錢郭家河樵人於山谷得古錢十萬銅赤色大如開元錢肉好精膩篆文曰泉貨通寶

上俱舊志

按漢書食貨志天鳳元年罷大小錢改作貨布貨泉二品並行貨泉徑一寸重五銖文右曰貨左曰泉後光武起白水號白水真人此爲之讖矣據此則貨泉乃新莽之錢 按董

閩石蓴鄉贅筆載華亭人掘城地得古錢數十萬文曰貨泉斷以爲王莽錢前此固有言之者矣

古鐘縣西九十五里巴山人犁田陷穴得一大古鐘圓如滿月徑一尺八寸許上有巴山字殆

宋物也今懸觀音閣

舊志

今按鐘文稱文林郎守峽州長陽縣尉蘇泌

闕丞事 闕守峽州長陽縣令劉宗口管內

僧正如指 助緣比丘懷素助緣比丘太皓

指揮使薛順 副指揮孫貴 右侍禁峽州

巴山寨主張 闕道 □□三年丙午歲十二

月五日造訖

金條縣西三十里小秦寨卽古方山乾隆己亥年忽崩有拾得金條者因競尋覓得二百餘枚重兩餘一種書一分金一種有九公主字樣篆文圖記分明可認蓋流賊小秦王物也 自彭司馬倡流賊小秦王屯兵之說朱志遂以爲張本不思小秦王並未至長又有論者因李來亨滋

擾長陽遂以有公主字樣者爲自成搜宮所得遺棄道中者竊意吾長至今有過吳王兵之說或係吳宮舊物父兄僭號數年女稱公主似爲近

弩機道光間有農人掘地得此物銅質堅重畧無剝蝕兩面銅夾有圓孔橫穿銅軸粗如巨指後置銅架如臼中之杵可上可下所謂機也前太守阮福儀徵相國子也博學好古審定謂古人以發弩者側篆丁形郭工名也後閱積古齋

鐘鼎款識弩機有二焉惟其有之是以知之今
爲譚氏所藏

古鐸在縣南三十里磨市李錦達家上有一環
寬六寸長尺二寸足寬七寸側徑一寸中空銅
質斑駁兩面近肩處各有乳十二叩之聲鏗然
卽古所謂鐸也

古鉦在縣南二十里劉文源家形如金鐸無花
紋水消時出沙中

馬連農人甲乙共宅居后教匪倡亂同堵卡小

長陽縣志

卷之一 金石

五

峯堙甲歸省掘土得銀碗杯盤各十餘大銀錠
數十乙後歸妻怨之曰今日歸遲矣告以甲故
乙喜曰渠得銀余必得金卽攜鋤向甲掘處左
側甫數掘卽見金絲滿中小指尖粗細盤縈如
鳳冠大帶諸形價值畧與甲銀等豈喪亂之日
富人所棄抑吳逆敗兵所擲與

物殊爲
失實

朱志謂滇南諸
司獻容美之

李刺史碑在廢佷山縣南

輿地碑目

今縣西六

十里都鎮灣古佷山地李刺史墓在焉碑文殘

缺不可讀 舊志

寇萊公碑在縣西三百里榔坪萊公令巴東於
此建橋題詩刻石土人猶有能誦之者 舊志

按今巴東野三關土人呼爲勸農亭云萊公
勸農之所

縣城西關內鄭應壽家藏虎鎗一重三十斤其
形製悉與圖合

地理志十一

冢墓

馬鬣三尺牛眠數丈華表荒寒邱原俯仰下有陳人碑銘草莽志而存之慰彼精爽

隋

李刺史墓在廢佷山縣南大業五年葬

輿地碑

目今在縣西南六十里都鎮灣

唐

曹王皋墓在縣西南六十里皋唐宗室為江陵

長陽縣志

卷之一

冢墓

一

節度葬此

湖廣通志

皋未嘗為江陵節度亦未

嘗葬縣南六十里詳見辨誤

李將軍方顯墓在縣東十里馬家谿碑稱唐御

前總理漕糧屯政充國大將軍

南平李景威墓在縣西清江北霧洞山

今按清江南岸軍嶺即李景威屯兵處也墓

在其上

明

楊鼎墓在縣西三里白雲口鼎官明叅政卒葬

此

楊正芳墓在縣西三里橋子口卽鼎曾孫官知縣卒葬此

南京戶部主事李爵墓在縣西北十五里

向元釗墓在縣南二十里釗父子三世爲明儀

賓墓俱存

通志

楚府典膳李鐸墓在縣西七十里靜安鐸歷任楚王蜀王典膳卒葬此

松滋王府儀賓授中順大夫向堪墓在縣南三

長陽縣志

卷之一

冢墓

二

十里岳家冲

新蔡縣主儀賓向云上墓在縣西三里店

四川長壽縣丞向昇墓在縣西北六十里流溪

洪武年中葬

開封府佐向侃墓在縣西三里店成化時葬

瀘州知州譚世賢墓在縣南三十里磨市

正德

年中葬

雲南楚雄府佐向本潮墓在縣西三里店正德

年中葬

知縣李之奇墓在縣西南六十里高家堰庄嘉靖年間葬

神童李儁墓在縣西七十里靜安嘉靖時葬

四川富順縣知縣譚詔墓在縣南三十里磨市

嘉靖時葬

四川大甯教諭向朴墓在縣西北十五里泉溪

嘉靖時葬

雲南理刑譚經墓在縣南三十里磨市嘉靖四
十三年葬

長陽縣志

卷之一

冢墓

三

新甯教諭譚壁墓隆慶六年葬

刺史大夫趙世昌墓在縣東崇禎十四年葬

國朝

二品將軍曾一舉夫人鄧劉氏合墓在縣西北大

花坪康熙年間葬

浙江通判周功墓在縣西觀冲灣康熙年間葬

青田縣丞譚曉墓在縣南康熙三十八年葬